

嘉慶廣陵事略

廣陵事略卷之五

歸安姚文田輯

宋下

孝宗隆興元年春正月庚子張浚進樞密使都督江淮東西路

軍馬

宋史孝宗紀一

六月庚午張浚自盱眙還揚州

同上 案浚還在符離喪師之後

十月辛巳詔江淮軍馬調發應援從都督府取旨餘事悉以聞

同上

二年三月丙戌張浚視師江淮金軍退

王宗沐續鑑宋紀三十七

庚戌以戶部侍郎錢端禮爲淮東宣諭使詔撫諭軍民

宋史孝宗紀一

四月戊辰罷江淮都督府

同上

九月癸卯命湯思退都督江淮東西路軍馬辭不行乙巳復命楊存中爲同都督錢端禮吳芾並爲都督府參贊軍事

同上
時張浚

已
薨

罷宣諭司

同上

冬十月辛巳金人分道渡淮

同上

十一月丁亥復命王之望督視江淮軍馬戊子命王之望同都督

已丑罷

同上

之望與湯思退表裏專以割地啖金爲得計帝詔督府擇利害擊金之望下令諸將不得妄進言者論之遂免

王宗沐續
鑑宋紀三

七十

庚寅命楊存中都督江淮軍馬

宋史孝宗紀一

時諸軍各守分地不相統一存中集諸將調護之於是始更相爲援會金兵已深入朝議欲舍淮保江存中持不可乃已

宋史存

中本傳

閏月金人寇揚州

王宗沐續鑑宋紀三十七

金兵在揚州或勸存中擊之存中不敢渡獨臨江固壘以老

之金人尋請盟

宋史存中本傳

乾道元年春正月辛未立兩淮守令勸民種桑

宋史孝宗紀一

乙亥罷兩淮招撫司

同上

二月乙酉罷江淮都督府遣官檢察兩淮州縣振濟飢民

同上時

與金人

通和

九月乙亥置沿淮諸州都巡檢

同上

二年八月辛未朔詔兩淮行鐵錢

同上

丁丑蠲淮南放歸萬弩手差役

同上

十一月己酉兩淮總領所許自造會子鬻諸路營田

同上

三年五月庚申修揚州城

宋史孝宗紀二

冬十月戊戌修真州城

同上

令兩淮通行銅錢會子

續宋編年通鑑八

四年秋八月主管殿前司公事王琪奉詔案視兩淮城壁琪擅

揚州增築新城揚民言不便劉琪乞罷琪忤帝意既而琪以

擅興工役降三官放罷

薛應旂宋元通鑑八十三

五年春正月甲戌措置兩淮屯田

宋史孝宗紀二

九月己未罷淮東屯田官兵募民耕佃辛酉詔淮東諸州農隙

教閱民丁

同上

陳俊卿以兩淮備禦未設民無固志請於揚州和州各屯三

萬人預爲家計仍籍民家三丁者取其一以爲義兵授之弓

弩教以戰陳農隙給兩月之食聚而教之帝以爲然詔卽行

之然爲眾論所持俊卿尋亦去位不能及其成

王宗沐續鑑宋紀三十七

十一月癸丑朔復置淮東萬弩手名神勁軍

宋史孝宗紀二

十二月降會子收兩淮銅錢

續宋編年通鑑九

六年三月己卯復置都大發運使

宋史孝宗紀二

夏四月辛巳朔罷鑄錢司歸發運司并淮東總領所歸淮西

同上

十二月癸酉罷發運司

同上

七年春正月復鑄錢司

同上

三月庚寅遣使覈兩淮種麥

同上

五月戊寅復置淮東總領所

同上

六月壬申詔兩淮限田毋勑增稅賦

同上

八月丙辰詔兩淮民丁充兵者丁錢勿輸

同上

九年三月丙辰復分淮南安撫司爲東西路

同上

淳熙元年春正月庚子罷兩淮將帥權攝官

同上

二年九月乙卯朔湯邦彥請分揚廬州荆南襄陽府金州興元

府興州爲七路每路文臣一人充安撫使以治民武臣一人充

都總管以治兵三載視其成以議誅賞從之

同上

三年二月壬午蠲兩淮教閱民兵夏稅

同上

四年十一月丁酉詔兩淮歸正人爲強勇軍

同上

五年十二月丙午禁兩淮銅錢復行鐵錢

宋史孝宗紀三

八年閏月庚寅修揚州城

同上

九年春正月丁丑命兩淮戍兵歲一更

同上

十年十一月乙丑降會子收兩淮銅錢

同上

十一年二月甲申詔兩淮萬弩手令在家閱習許歲上材武者

一二人試授以官

同上

光宗紹熙元年夏四月乙酉詔兩淮措置流民

宋史光宗紀一

二年春正月庚戌朔命兩淮行義倉法

同上

秋七月己未出會子百萬緡收兩淮私鑄鐵錢

同上

十二月庚子復出會子百萬緡收兩淮鐵錢

同上

三年春正月收淮東鐵錢

同上

秋七月壬辰修揚州城

同上

八月甲寅詔兩淮行鐵錢交子

同上

九月丙申勸兩淮民種麥

同上

寧宗慶元元年二月丁巳朔詔兩淮諸州勸民墾闢荒田

宋史
寧宗

一紀

五年冬十月庚申朔封郭師禹爲廣陵郡王

同上 凡追贈如
揚王昉廣陵郡王

宗誼之類今皆不載又宗室世系表有
廣陵侯士礪未知何時封附錄於此

嘉泰三年夏四月丙午出封樁庫兩淮交子一百萬命轉運司

收民間鐵錢

宋史寧
宗紀二

冬十月丙午命兩淮諸州以仲冬教閱民兵萬弩手

同上

開禧元年八月乙巳以殿前副都指揮使郭倪爲鎮江都統兼

知揚州

同上 時韓侂胄
密爲北伐之計

十一月乙酉置殿前司神武軍五千人屯揚州

同上

十二月庚午增刺馬軍司弩手

同上

二年夏四月己巳調三衙兵增戍淮東

同上

五月壬寅簡兩淮田卒以備戰兵

同上

六月命邱岳至揚州部署諸將悉三衙江上軍分守江淮要害

同上

八月壬申以淮東安撫司所招軍爲御前強勇軍

同上

十月丙子金人自清河口渡淮遂圍楚州十一月庚辰命主管

殿前司公事郭杲領兵駐真州以援兩淮

同上

甲申以邱岳簽書樞密院事督視江淮軍馬

同上

甲辰金人犯真州

同上

金統石烈子仁陷真州士民奔逃渡江者十餘萬知鎮江府
宇文紹節亟具舟以濟又廩食之自是淮西縣鎮皆沒於金

王宗沐續鑑

宋紀四十一

十二月甲寅金人攻六合縣郭倪遣前軍統制郭僕救之遇於

胥浦橋官軍大敗倪棄揚州走瓜洲渡

續宋編年通鑑十三

丁卯金人自淮南退師

宋史寧宗紀二

庚午募兩淮流民耕種

同上

三年春正月己卯命張巖督視江淮軍馬

同上

巖開督府九月費耗縣官錢三百七十萬緡而無成功

宋元通鑑

九十

六

十二月癸卯以邱密爲江淮制置大使

宋史寧宗紀二

時趙淳已爲制置使故加大以別之

兩朝綱目備要十

嘉定二年八月甲子聽兩淮諸州民行鐵錢於沿江八州

宋史寧宗

三紀

是歲揚楚盜起

同上

三年夏四月丙寅詔監司守臣安集泰州民經賊蹂踐者

同上

五月乙未淮東賊悉平

同上

徐景爲興化令楚賊胡德等率眾掠縣景諭以逆順禍福賊

怒欲害之景曰人誰無死得死王事何憾但勿殘吾民賊義

之不加害景練兵設備數月賊平

興化縣志

戊申經理兩淮屯田

宋史寧宗紀三

十年夏四月丙辰詔江淮制置使李珣措置調遣仍聽便宜行

事

宋史寧宗紀四 時金人渡淮犯光州

賈涉請城寶應役興以憂去金人犯光州起涉竟前役通判真

州

事見宋史涉本傳

十一年春正月壬午李全率眾來歸敕李珣令慰接之

邵經邦宏簡錄

九十
六

李全者北海農家子銳頭蓋目權譎善下人以弓馬趨捷能運鐵槍時號李鐵槍楊安兒起掠莒密毋舅劉全爲帥汲君立等附之全與兄福聚眾數千劉慶福等附之金遣完顏襄

討安兒安兒輕舸走即墨舟人斬以獻安兒妹四娘子狡悍
 善騎射劉全收潰卒奉之稱曰姑姑眾尚萬餘全以其眾附
 楊氏通焉遂嫁之合全軍與霆戰又敗收餘眾保東海劉全
 分軍駐峒上宋史叛臣傳中淮人季先沈鐸說楚州守應純之以
 招山東人劉全李全等以其眾至宋史賈涉傳

十二年三月金人分兵犯天長六合淮南流民渡江避亂諸城

悉閉宋史寧宗紀四

洪咨夔字舜俞於潛人崔與之帥淮東辟置幕府邊事纖悉
 為盡力邱壽雋代與之為帥金人犯六合揚州閉門設守咨
 夔亟詣壽雋言金人忌楚必未至揚乃先自示弱淮左之人

心動金人且驕必來矣第當遠斥堠精閒探簡士馬張外郡

聲援而大開城門晏然如平時若金人來某當身任之金人

果遁

宋史峇
妻本傳

丁宗魏金壇人再合楊子縣兼義武兵民重

政時金人犯境眾洶洶欲渡江避之宗魏曰守禦之臣宜死

封疆敵至而避誰與守乎卒不許人服其忠

儀徵
縣志

九月丙午罷江淮制置各置主管公事命賈涉任淮東兼節制

京東河北路軍馬

邵經邦宏簡
錄九十六

十三年夏四月賈涉招諭山東兩河豪傑來歸

同上

李全白制府請於朝以劉全爲總管駐揚州分數千兵從之而

將其眾

宋史叛
臣傳中

時命沈鐸爲楚州都監與高忠皎各集忠義民兵分二道攻金遂以李全五千人附忠皎全分兵襲破莒州授京東副總管進總管屯楚州石珪歸元漣水軍未有所屬全并將之又以劉全駐揚州而將其眾

同上

十六年十一月許國自武階換朝議大夫淮東安撫制置使十七年正月國之鎮楊氏郊逐國辭不見楊氏慙以歸國既視事痛抑北軍有與南軍競者無曲直偏坐之

同上

十一月國集兩淮馬步軍十三萬大閱楚城之外

同上

理宗寶慶元年三月甲午李全反焚楚州制使許國走死

宏簡錄九

初國倚揚州強勇軍統制彭興及淮西親兵將趙社朱虎等

爲腹心至是首降賊且助爲亂

宋史叛臣傳中

忠義統領王文信

有眾八百刺揚州強勇軍國之大閱文信在焉慶福與謀令歸襄揚州別遣將劫寶應盱眙四將不從謀中輟至是文信復獻計曰我僞作重傷提兵歸揚州揚守必不疑我生縛守以城獻飲而遣之丁巳文信至揚州其徒有亡入城告變者時揚兵皆在楚知州兼提點刑獄汪統會同官議鈐轄趙拱曰若不納則文信必曰我歸營何故見拒將借是以魚肉城外之民拱素善文信請說止其兵而以單騎入俟入城而殺之然後撫其兵統喜遣之遇文信於十里頭置酒相勞苦文

信偽爲裏創狀拱曰揚州人見忠義暮歸豈不相疑不若暫駐兵城外同見提刑提刑急欲知楚州事也文信不疑聯騎入城坐客次拱先入勸統收戮之統不敢發劉全知其謀帥甲士突入郡堂厲聲曰王統領好人提刑不必疑請出受參統不得已出而犒之劉全以兵翼之出館其家詰旦統未有處拱又請引文信出城與議回屯楚州文信知事泄就拱出劉全亦請從至平山堂文信責拱賣已欲殺之拱曰我已存三城人身死無憾然我死汝八百家老幼在城豈得生耶眾色動文信劉全遂還楚州時盱眙總管夏全亦懷異圖劉瑋厚賂之乃止及文信亂瑋懼夏全復動使卞整將兵三千視

之使不敢動整以邀文信爲辭引兵還揚州因謠言盱眙人

守十整爲亂於是揚州復震城門盡閉

同上

趙范知揚州乞調募以強勇雄邊軍五千屯寶應以備賊

宋史趙葵

傳
葵
詳後

趙范字武仲少從父軍中嘉定十五年通判揚州十七年進

直徽猷閣知揚州淮東安撫副使劉全王文信二軍老幼留

揚范欲修軍政懼漏泄兵機遣徐晞稷書令挈家歸楚有孫

海者眾亦八百并請抽還楚州又請勅馬軍三千招游手之

強壯者及籍牢城重役人充之別籍民爲半年兵春夏在田

秋冬教閱官免建砦而私不廢農彭義斌請合謀討李全范

告制置使趙善湘不報又上書史彌遠曰揚州者國之北門

一以統淮一以蔽江一以守運河豈可無備紹定三年起淮

東安撫副使又爲書告廟堂請罷調停之議一請檄沿江制

置司調王明本軍駐泰興港以扼泰州下江之捷徑一請檄

射陽湖人爲兵屯其半高郵以制賊後屯其半瓜洲以扼賊

前一請速調淮西兵合滁陽六合諸軍圖救江西朝旨乃許

范刺射陽湖兵毋過二萬就聽節制於是討賊之謀決遂戮

全進兵部侍郎淮東安撫使兼知揚州兼江淮制置使參謀

官歷進兩淮制置使

宋史范本傳 案范
衡山人具趙方傳

彭義斌出兵與全門全敗義斌以千五百騎追之獲馬二千匹

皆揚州強勇軍馬

宋史叛臣傳中

紹定元年春全厚募人爲兵宋軍多亡應之天長民保聚爲十
六砦比歲失業壯者皆就募射陽湖浮居數萬家家有兵仗侵

掠不可制

宋史叛臣傳下

全知東南利舟師謀習水戰募南匠大治舳艫船自淮及海相
望六月試舟射陽湖

同上 時趙善湘禁桐油楸篾下江知揚州翟朝宗市楸木往揚善湘易以松木全

不得已代以榆板舟成多重滯

二年九月全密遣軍掠高郵寶應天長之間知高郵軍葉秀發

遣宗雄武領民兵捍禦爲賊所敗

同上

三年五月甲寅檢校少保李全授彰化保康軍節度使開府儀

同三司京東鎮撫使

宋史理宗紀一

全欲先據揚州以渡江分兵徇通泰以趨海其下皆曰通泰鹽場在焉莫若先取爲家計全欲朝廷不敢遽絕其給乃按蒙古李宋宜差以恫疑恐喝而蒙古實未嘗資全兵其李宜差則青州賣藥人也朝廷雖知其姦姑事苟安不之詰及全糴麥舟過鹽城知揚州翟朝宗嫉尉兵奪之全怒水陸數萬逕擣鹽城入據之白於朝曰遣兵捕盜過鹽城令自棄城去慮軍民驚擾入城安眾朝廷乃授全節鉞令釋兵全不受制命朝廷爲罷朝宗命通判趙璫夫攝州事趙范趙葵以全必

反累疏言之

王宗沐續鑑宋紀四十四
璫本作敬從宋史改

八月乙巳進善湘煥章閣學士江淮制置大使范直撤獄關知揚州淮東安撫副使蔡直寶章閣淮東提點刑獄俱節制軍馬

宋史叛臣傳下

業

善湘宋宗室濮王後

十二月壬子李全寇揚州敵夫迂趙范於鎮江蔡帥雄勝寧淮

武定強勇四軍萬四千赴之

王宗沐續鑑
宋紀四十四

四年春正月壬寅趙范趙葵等誅李全於新塘

宋史理
宗紀一

全兵突至灣頭敵夫恐欲走副都統丁勝劫關者止之全攻

城南門都統趙勝自堡砦提勁弩赴大城注射全稍退遣劉

全奄至堡砦西城下欲奪之以瞰大城先是趙勝屯西城見

濠淺盛暑中督軍浚濠人苦之朝宗亦以爲笑既浚勝決新

塘水注焉及是劉全不能進勝又浚市河人尤謂不急全至
勝開水門納賈舟千餘艘活者數千人糧貨不與焉時朝廷
有內圖戰守外用調停之說是日璈夫得彌遠書許增萬五
千人糧勸全歸楚州璈夫亟遣授全全笑曰丞相勸我歸丁
都統與我戰非相給耶擲書不受惟留省劄璈夫始亟發牌
印迓范癸丑全塞秦州城潦于邦傑宗雄武通全戒守者無
發矢俟薄城而蹙之全得距堙宋濟恐濟秦州守令縣尉某如全
壘全以增糧省檄示之尉復出獻錢二百萬以降乙卯邦傑
雄武開門導全濟帥僚吏出迎全入坐郡治濟發帑出所獻
錢全曰獻者汝私藏耶若秦州則我固有何假汝獻爲乃舍

濟僉判廳入郡室盡收子女貨幣庚申全聞范葵旣入甲子
配兵守秦州悉出眾至灣頭立砦據運河之衝使胡義將先
鋒駐平山堂伺三城機便丁卯全攻城東門不利賊將張友
呼請見葵全隔濠立馬相勞苦葵切責之全彎弓抽矢向葵
而去戊辰張璉戴友龍王銓張青以天長制勇三軍至阻全
不得前遣人請拔范葵親出壘砦西門列陳待之全不敢動
璉等乃入城庚午全率步騎五千餘攻壘砦西門趙勝出兵
戰不利范葵以兵益之全兵亦增葵擊卻之辛未賊引兵二
萬向西門李虎趙必勝張璉崔福力戰自己至申全乃歸必
勝王鑑于俊擊走之襄兵萬人至真州上壩統制張達監軍

張大連不設備魚貫而行全哨馬帥田四擊之爲數截殲者
五千達大連死之淮西援兵至亦遇全統領柔青力戰城中
俱不知也全兇焰益振每日我不要淮上州縣渡江浮海逕
至蘇杭孰能當我甲戌復引輕騎犯州城南門且欲破堰泄
濠水統制陳達率勁弩射之范葵出軍迎擊乃去是日余玠
史譌作金玠等距淮安十里焚全砦柵全將劉全出戰玠軍不利
退屯寶應全志吞三城而兵每不得傳城下宗雄武獻計悉
眾及驅鄉農合數十萬列砦圍三城糧援俱絕范葵命諸門
各出兵劫砦舉火爲期夜半縱兵衝擊殲賊甚眾自是賊一
意長圍以久持困官軍不復薄城戊寅全張蓋奏樂平山堂

布置築圍指揮開暇范葵令輕兵牽制親帥將士出堡砦西
全分兵應戰自辰至未殺傷相當庚辰范出師大戰玠等破
全將張友於都倉獲糧船數十艘甲申葵出戰賊大敗四年
正月辛卯全兵浚圍城塹范葵遣諸將出城東門掩擊全走
上城官軍躡之蹂躪甚眾是日玠破全將鄭祥獲糧百艘乙
未李虎出南門楊義出東門王鑑出西門崔福出北門各徑
掘賊圍開土城數處范葵提兵策應全步騎數千出戰諸軍
奮擊俘賊甚眾夜賊復合所開城丁酉趙勝遣統制陸昌孫
舉立橋堡砦於北門賊分道來戰勝擊退之范陳於西門賊
閉壘不出葵曰賊俟我收兵而出爾乃伏騎破垣門收步卒

誘之賊兵數千果趨濠側虎力戰城上矢石雨注賊退有頃賊別隊自東北馳至范葵揮步騎夾浮橋弔橋並出爲三迭陳以待之賊與大戰別遣馬步五百出賊背而葵帥輕兵橫衝之三道夾擊用范所制長槍果大利賊敗走翼日全遣步卒三百餘向城西門乍進乍退以誘揚州兵復驅壯丁填濠培鹿角范葵遣騎將出夾城東西牽制之親出州城西門分二道以進賊望風潰乃募勇力齋薪礮焚其樓櫓十餘賊自平山堂麾騎下救道遇于俊軍而歸始全反謀雖成然多顧忌邊陲喜事者陰贊之謂朝廷愈畏則錢糧愈增及三趙用削全官又罷支錢糧攻城不得欲戰不利全始自悔忽忽不

樂或令左右抱其臂曰是我手石人皆怪之時正月望城中
放燈張樂姑示整暇全見之亦往海陵載妓女張燈平山堂
是晚燕元宣差宣差激全曰相公服飾器用多南方物乃心
終在南耳全乃取誥敕朝服南向再拜焚之淚下如雨有胸
山于道士者老矣全迎致之初見全卽嘆曰我業債合在州
債召占事多驗尊爲軍師及見全焚誥命謂人曰相公死明
日我無今日矣人問之曰朝廷以安撫提刑討逆然爲逆者
節度使也豈有安撫提刑能擒節度使哉誥敕旣焚則一賊
爾固安撫提刑所得捕不死何爲入見全曰相公明日出帳
門必死全怒斬之范葵夜議誥朝所向葵曰東向利不如出

東門范曰西出嘗不利賊必見易因其所易而圖之必勝不
如出西堡砦門壬寅全置酒高會平山堂有候卒識其槍垂
雙拂爲號以報范喜謂葵曰此賊勇而輕若果出必成擒矣
乃悉精銳而西取官軍素爲賊所易者張其旗幟全望見喜
謂宣差曰看我掃南軍官軍見賊突圍而前亦不知其爲全
也范麾軍並進葵親搏戰諸軍爭奮賊始疑非前日軍欲走
入土城李虎軍已塞其寢門全窘從數十騎北走葵率諸將
以制勇寧淮軍蹙之賊趨新塘新塘自決水後淖深數尺會
久晴浮戰塵如燥壤全騎陷淖不能拔制勇軍奮長槍三十
餘亂刺之全曰無殺我我乃頭目先是令諸陳士取獲頭目

無得爭以爲獻故羣卒碎其尸而分其鞍馬器甲并殺三十餘人甲辰賊軍周海請降報全已殺餘黨議潰去未幾聞安用評國歎恨飲泣初議推一人爲首莫肯相下欲往淮安奉

安用

楊氏主之范夜上捷書制置司議翼日追賊乙巳安用引五百騎巡南門趨灣頭范伏弩射之賊呼曰爾襄陽援兵已敗走汝知之乎城中應曰李全已戮汝何不降賊不應諸將欲追范懼有伏兵先分兵燒圍城樓櫓夜半火光燭天命東南諸門皆出兵范葵提精兵進賊大潰丙午黎明葵追及於灣頭又破之俘斬及奪回糧畜蔽野別將追至大儀不及葵使人痊新塘骸骨得左掌無一指蓋全支解也先是全乞靈茅

司徒廟無應全怒斷神左臂或夢神告曰全死亦當如我至

是果然揚州平

宋史叛臣傳下

趙葵字南仲京湖制置使方之子

與兄范俱有志事功嘉定十七年李全往青州淮東制置使許國檄葵議兵葵至曰君侯欲圖賊而坐賊竄中海已無及惟有重帳前兵猶足制之國不聽卒敗寶慶元年范知揚州調葵屯寶應備賊紹定二年全獻俘葵策其必叛上書丞相史彌遠又言於朝願身許朝廷彌遠猶未欲興討參知政事鄭清之贊決之乃加直寶章閣淮東提點刑獄全攻揚州東門葵親出搏戰賊將張友請葵出全在隔濠立馬相勞苦左右欲射全葵止之問全來何爲全曰朝廷動見猜疑今復絕

我糧餉我非背叛索錢糧耳蔡曰朝廷資汝錢糧寵汝官職
蓋不貲矣待汝以忠臣孝子而乃反戈攻陷城邑安得不絕

汝錢糧汝云非叛欺人乎欺天乎切責之言甚多全無以對
於是數戰皆捷遂殺全尋進兵部侍郎六年授淮東制置使

兼知揚州嘉熙元年以寶章閣學士知揚州蔡前後留揚八

年墾田治兵邊備益飭景定元年授兩淮宣撫使判揚州累

封冀國公薨贈太傅諡忠靖

宋使蔡
本傳

王鑑字仲明李全犯

揚州檄鑑從趙葵往救鑑乘賊始至迎擊之賊識鑑旗幟曰
淮東硬軍也安撫使趙范戒朝食出戰蔡曰非王都統不可
約鑑帥兵往鑑擐甲待旦躍馬至北門或以非地分勸徐行

鑑揮之曰同舟遇風何地分爲全適宴北使於平山堂意驕
我軍鑑率單騎直前相距纔數百步厲聲呼逆賊全汝在山
東作賊歸宋得節度乃背義孤恩昊天不庇今日當盡予手
全怒奔馬戰范葵遣兵斷全歸路全爲鑑所敗偕十餘騎走
而西至新塘墮水鑑追至左右射全與其黨皆死捷聞特授
左武大夫復州團練使乘勝復泰州破賊餘黨五年知真州
終京湖宣撫司諮議

嘉靖志

余玠字義夫蘄州人家貧落魄

喜功名走襄淮謁趙葵葵壯之留幕中以率舟師沂淮入河

抵汴所向有功歷遷淮東制置副使

宏簡錄一百七十

王霆爲鎮

江都統趙勝計議官李全寇鹽城攻海陵勝出戍揚州屬官

多憚從行霆慨然曰此豈臣子辨難之日至楊子橋人言賊

兵在南門去將安之霆竟至南門身先士卒大小十八戰無

不利奪賊濠築土城焚城門賊氣爲懾

宋史霆本傳 某霆後知高郵軍詳臣蹟

志

吳從龍字子雲官至武功郎建康府統制紹定兵難爲

先鋒援不至被擒使至秦州城下誘降終不屈死之廟祀揚

泰二州賜額褒忠

宋史忠義傳七 嘉靖志云紹定十年李全攻海陵從龍遇害賜廟額曰顯勇案全

誅於四年正月舊志誤也其廟額亦未知何本

三月遣余子才率王旻等將萬五千人與子玠犄角取鹽城癸

巳步騎十萬發揚州

宋史叛臣傳下

癸卯遣總管韓亮戚永昇率多檣船及民船四百入射陽湖擊

賊
上

五年春正月庚寅詔李全之叛淮東提刑司檢法吳澄等出泰州城謁賊各追官勒停其不出見賊者高夢月劉賓雲循升二資罵賊死者海陵簿吳嘉特贈朝奉郎官其一子將仕郎

宋史
理宗

紀一 案李全傳云全寇泰州官屬十九人皆
迎降獨教授高夢月不污詔贈三官與此小異

端平三年十一月蒙古將察罕攻真州知州邱岳部分嚴明守具周悉蒙古薄城輒敗岳乘勝出戰胥浦橋以強弩射致師者一人死敵少卻岳曰敵眾十倍於我不可力勝乃爲三伏設礮石待之於西城敵至伏起礮發殺其驍將敵眾大擾岳選勇士襲敵營焚其廬帳越二日乃引去

王宗沐續鑑
宋紀四十七

邱岳字山甫常熟人端平三年知真州凡四禦大敵未嘗少

挫理宗御書忠實二字賜之後守揚州

嘉靖志

嘉熙元年十一月戊辰詔陳韡史嵩之趙葵於沿江淮漢州軍

備舟師戰具防遏衝要堡隘

宋史理宗紀二

二年冬十月丁卯吳潛言宗子趙時暉集真州豐濠四郡流民

十餘萬團結十七砦其強壯二萬可籍爲兵又沙上蘆場田可

得二十餘萬畝賣之以贍流民以佐砦兵從之

同上

淳祐二年

元太后馬真氏稱制元年

秋七月張柔渡淮攻揚州

元史太宗紀

八月丁卯北兵侵真州杜杲擊敗之淮東先鋒馬軍鄧淳李海

戰於揚州撻扒店宣勞居多各轉兩官

左簡錄九十七

三年

元馬真太
后二年

二月乙丑以呂文德總統兩淮出戰軍馬捍禦

邊陲

宋史理
宗紀二

九月壬申詔蠲高郵民耕荒田租

同上

五年

元馬真太
后四年

秋七月蒙古察罕會張柔掠淮西至揚州而去

王宗沐續鑑
宋紀四十七

九年春正月辛酉詔兩淮沿江曠土軍民從便耕種

宋史理
宗紀三

十一年三月辛巳城寶應詔移一軍戍守

同上

寶祐三年二月己卯復廣陵堡城賈似道以圖來上

同上

六年冬十月戊子元兵攻秦州

同上

開慶元年冬十月癸卯北兵陷連水軍揚州大震

五簡錄
九十七

十一月丙辰選揚州拱衛軍千人赴京聽調遣

宋史理宗紀四

景定元年秋七月戊子忽必烈遣翰林學士郝經持書申好來告卽位且徵歲幣似道使人拘之真州

去簡錄九十七

先是賈似道在鄂州私與蒙古議和妄奏鄂州圍解還朝使其客廖瑩中撰福華編稱頌鄂功通國皆不知所謂和也經至宿州遣副使何源劉人傑請入國期不報經數遺書三省樞密院及制置使李庭芝似道恐經至謀泄拘經於真州之忠勇軍營驛吏棘垣鑰戶晝夜守邏欲以動經經不屈蒙古遣官詣淮東訪問經等所在李庭芝奏蒙古使者久留真州

亦爲似道所格

宋元通鑑一百十八

度宗咸淳二年冬十一月兩淮制置使李庭芝立城屯駐武銳

一軍

宋史度宗紀

始平山堂瞰揚城敵至則構望樓其上張弓弩射城中庭芝

築大城包之募汴南流民二萬餘人以實之號武銳軍

王宗沐續

鑑宋紀五十 案庭芝

累知揚州詳宦蹟志

蒙古郝經居真州館七年從者怒鬥死者數人經獨與六人處

別館

宋元通鑑一百二十一

三年二月乙丑淮東總領財賦陳蒙疏論賈似道姦邪誤國安

置建昌軍

宏簡錄九十八

四年春正月己丑檄兩淮都統張世傑申嚴備禦

宋史度宗紀

張世傑范陽人歷知高郵軍調守鄂州提所部入衛累加保
康軍承宣使總督府兵勢頗振諸將大出師焦山元阿木以
火矢攻之世傑收奔圖山請濟師不報軍迫臨安從二王入

海兵敗崖山溺死

宋史忠義傳六

九年十一月戊子知秦州龔準遣將王大顯等捍禦有功又獲

俘民以還賞激有差

宋史度宗紀

甲午詔從李庭芝請分淮東西制置爲兩司就命庭芝交割淮

東仍兼淮西策應使

同上

十年春正月知秦州龔準以天長縣東橫山秦潼湖青蒲口等

處戰功推賞

同上

十月戊午郢州副統趙文義兄弟追戰全子湖皆死贈文義清

遠軍文亮戎武軍俱節度使立廟揚州賜名傳忠

先簡錄
九十八

十一月庚辰以陸秀夫參議淮東制置司事

王宗沐續鑑
宋紀五十一

陸秀夫字君實楚州鹽城人李庭芝鎮淮南辟置幕中天下

稱得士者以淮南爲第一號小朝廷秀夫性沈靜不求人知

察其事皆治庭芝益器之雖改官不使去已就幕三遷至主

管機宜文字庭芝制置淮東擢參議官德祐元年邊事急僚

屬多亾者惟秀夫數人不去庭芝上其名除司農寺丞累擢

至左丞相厓山破負荷王赴海死

宋史忠
義傳六

十二月癸亥詔似道都督諸路軍馬以步軍指揮使孫虎臣總

統諸軍

宋史瀛
國公紀

德祐元年

元世祖至
元十二年

春二月甲辰以中書右丞博魯歡爲淮南

都元帥

元史世
祖紀五

戊子似道出師以孫虎臣爲寧武軍節度使與元兵戰敗績夏

貴不戰而去似道虎臣以單舸奔揚州

宋史瀛
國公紀

似道以精銳七萬餘人盡屬虎臣軍於池州下流之丁家洲

夏貴以戰艦二千五百艘橫亘江中似道自將後軍軍營港

貴嘗失利於鄂恐督府成功無所逃罪又恐虎臣新進出已

上殊無鬥志伯顏分步騎夾岸而進麾戰艦合勢衝虎臣軍

命舉巨礮擊中堅虎臣軍動阿木以刳船數千艘乘風直進

呼聲動天地虎臣前鋒將姜才方接賊虎臣遽過其妾所乘舟眾見之喧曰步帥遁矣軍遂亂夏貴不戰而走似道錯愕失措鳴鉦收軍殺溺者不可勝計水爲之赤似道夜駐珠金沙召貴計事貴曰惟有入揚州耳乃與虎臣單舸奔還揚州明日潰兵蔽江而下似道使人登岸揚旗招之皆莫應有爲

惡語嫚罵之者

王宗沐積愆
宋紀五十一

端明殿學士江淮招討使汪立信聞似道師潰扼吭卒

同上

汪立信淳祐六年進士歷知昭信軍權淮東提刑擢京湖安撫制置知江陵府時襄陽圍急立信移書似道言爲今日計其策有三似道怒曰暗賊狂言敢爾中以危法廢之咸淳十

年元大舉伐宋似道督軍江上以立信爲招討使俾就建康
府募兵援江上諸郡立信受詔卽日上道以妻子託其將金
明執其手曰我不負國家爾亦必不負我遂行與似道遇蕪
湖似道拊立信背哭曰不用公言以至於此立信曰瞎賊今
日更說得一句不似道問立信何向日今江南無一寸乾淨
土某去尋一片趙家地上死耳旣至建康守兵悉潰四面皆
北軍立信率所部數千人至高郵欲控引淮漢以爲後圖已
而聞似道師潰嘆曰吾今日猶得死於宋土也乃置酒召賓
佐與訣手爲表起居三官與從子書屬以家事夜分起步庭
中慷慨悲歌握拳撫案者三以是失聲三日扼吭而卒

宋史
立信

本傳 舊志云
字成甫六安人

行人郝經尚留儀真元主復使禮部尚書中都海牙及經弟庸
來問執行人之罪賈似道震恐乃遣總管段佑以禮送經歸

宋元

通鑑一百二十五 元史云國信使
郝經劉人傑等來歸由水路赴閩

三月丁丑知滁州王應龍以城降己丑滁人執應龍歸於揚州

殺之

宋史 國公紀

辛丑敕阿朮分兵取揚州

元史 祖紀五

夏四月庚申元兵東下所過迎降李庭芝率勵所部固守揚州

王宗沐續鑑 宋紀五十一

賈似道兵潰蕪湖沿江諸郡無一人能守者庭芝率所部城

守有李虎者持招降榜入揚州庭芝誅虎焚其榜總制張俊持孟之縉書來招降庭芝焚書梟俊五人於市日調苗再成戰其南許文德戰其北姜才施忠戰其中人人爲之死門朝

廷加庭芝參知政事知樞密院事

宋史庭芝本傳

壬戌元兵攻真州知州苗再成宗子趙孟錦帥兵大戰於老鶴

考敗績

宋史藻國公傳

癸亥阿木師駐瓜洲距揚州四十五里朱淮東制置司盡焚城

中廬舍遷其居民而去阿木剏立樓櫓戰具以守之

元史世祖紀五

庚午元兵至楊子橋揚州都撥發官雷大震出戰死

宋史藻國公紀

阿木乘勝進趨揚州姜才逆之於三里溝敗之阿木佯退才

逐之阿木反戰至楊子橋大震死之兩軍夾水而陳元張宏
範以十二騎絕渡衝才軍軍堅不動宏範引卻以誘之才將
回回躍馬出奮大刀直前向宏範宏範反轡迎刺之應手仆
元立陳者歡聲震地才軍遂潰阿木與宏範追之自相蹂躪
與陷濠水死者甚眾元軍進薄揚州南門

王宗沐續鑑
宋紀五十一

五月丁丑阿木立木柵於楊子橋斷淮東糧道且爲瓜洲藩蔽

元史世
祖紀五

六月丙寅都統姜才副將張林步騎二萬人乘夜攻楊子橋木
柵守柵萬戶史弼告急阿木自瓜洲赴之詰旦至柵下才軍夾
水爲陳阿木麾騎兵渡水擊之陳堅不動阿木軍引卻才軍來

逼我軍與力戰遂走阿木麾步騎並進才僅以身免生擒張林

斬首萬八千級

同上

秋七月庚午朔阿木集行省諸翼萬戶兵船於瓜洲阿塔海董
文炳集行院諸翼萬戶兵船於西津渡宋詔江淮制置使趙潛
樞密都承旨張世傑知泰州孫虎臣等陳舟師於焦山南北阿
木遣張宏範等以拔都兵船千艘掠珠金沙辛未大戰自辰至
午宋師大敗自是不復能軍

同上

九月丙戌元兵至泰州知州孫虎臣自殺

宋史瀛國公紀
知字宋史譌作和宏

簡錄遂作知和州考元世祖紀二月戊辰師次采石鎮知和州
王善以城降是時和州已入於元虎臣本知泰州焦山敗後仍

回泰州耳

甲午姜才將步騎萬五千人攻灣頭堡阿朮阿塔海擊敗之

元世

祖紀

五

冬十月元阿朮攻揚久而無功乃築長圍困之城肉食盡死者

枕藉滿道而李庭芝之志益堅會伯顏至灣頭遂議深入

王宗沐

鑑宋紀

五十一

十一月戊寅阿朮軍破銀樹東壩戍將趙淮死之

同上

趙淮丞相葵從子李全之叛屢立戰功累官至淮東轉運使

德祐中戍銀樹壩兵敗與其妾俱被執至瓜洲元帥阿朮使

淮招李庭芝許以大官淮陽許諾至揚城下乃大呼曰李庭

芝男子死耳毋降也元帥怒殺之棄屍江濱

宋史忠義傳五
棄積鏖以淮

爲蔡子

淮妾長沙人逸其姓名淮兵敗俘一軍校帳中乃解

衣中金遺其左右且告之曰妾夙事趙運使今其死不葬願掩埋之當終身事公無憾軍校憐其言使如江上妾聚薪焚淮骨置瓦缶自抱持操小舟至急流中仰天慟哭躍水而死

宋史列

女傳

癸未元兵破興化縣知縣胡拱辰自殺

宋史瀛國公紀

拱辰令興化撫綏流亡甚有惠政

興化縣志

德祐二年元至元十三年二月五奉使及一閣門宣贊舍人持謝太后

詔來諭才發弩射卻之復以兵擊五奉使於召伯堡大戰而退

宋史忠義

六姜才傳

廣陵事略

卷之五

二十六

元人載奉使柳岳洪雷震并輜重俱北至高郵嵇家莊統制嵇

聳擊敗之柳岳死焉

事見文文山集

杜洪從京口以計賂守夜劉千戶得脫天祥偕走淮甸

宋史忠義傳九

時文天祥除右丞相如軍中請和為伯顏所拘留

天祥與其客杜洪十二人夜亡入真州苗再成出迎喜且泣

曰爾淮兵足以興復特二閫小隙不能合從耳天祥問計大

稱善

具後苗再成傳

卽以書遺二制置遣使約結天祥未至時揚有

脫歸兵言密遣一丞相入真州說降矣庭芝信之使再成亟

殺之再成不忍給天祥出相城壘以制司文示之閉之門外

久乃復遣二路分覘天祥果說降者卽殺之二路分見其忠

義亦不忍殺以兵二十人導之揚四鼓抵城下聞候門者謀制司下令備文丞相甚急眾相顧吐舌乃東入海道遇兵伏環堵中得免然亦飢莫能起從樵者乞得餘糝羹行入板橋兵又至眾走伏叢篠中兵入索之執杜澣金應而去虞候張慶矢中目身被二創天祥偶不見獲澣應解所懷金與卒獲免募二樵者以蕢荷天祥至高郵泛海至温州

宋史天祥本傳 案史語

全本文信公自記見文山集今附錄於後云二十九日杜榘聞澣與帳前將余元慶謀至真州三月朔至城下問者告以文丞相在鎮江走脫徑來投奔城子諸將校皆出卽延入城苗守迎見語國事移時感憤流涕卽款之州治中住清邊堂然後從者始至引至直司樓身上軍器旣知無他然後見信至真州三日苗守約云早食後看城子子欣然諾之有頃陸都統來導余至小西門城上問看未幾王都統至迤遲出城外王忽云有人在揚州供得丞相不好出制司小引視之乃

脫回人供北中所見云有一丞相差往真州賺城子方勤
問二都統忽鞭馬入城小西門閉矣不得復入子幸脫身至
真州卽議糾帥兩淮以圖恢復制使乃疑子爲北用欲見殺
江南與北中皆知子爲忠義而兩淮不子信天地茫茫與誰
語哉子在門外久之忽有二人來曰義兵頭目張路分徐路
分也子告以故二人云安撫傳語差某二人來送看相公去
那裏子云必不得已惟有去揚州見李相公路分云且行且
行良久有五十人弓箭刀劍來隨二路分騎馬以二馬從子
子與杜架閣連轡而發子在小西門外皇皇無告杜架閣仰
天呼號幾赴濼死從者皆無人色苗守又遣衣被包覆等來
還遂之揚州是日上巳日也二路分引子行數里忽捉刀於
野駐足不行二路分請下馬云有事商量景色可駭子下馬
與之立談二路分云今日之事非苗安撫意乃制使欲殺丞
相安撫不忍加害故遣某二人送行今欲何往子云只往揚
州彼云揚州殺丞相奈何曰莫管信命去二路分云安撫令
送往淮西子云淮西皆北所在無路可歸只欲見李制使若
能信我尚欲連兵以圖恢復否則卽從通州路道海運關二
路分云安撫見辨船在岸下丞相從江行或歸南歸北皆可
子驚曰如此則安撫亦疑我矣二路分見子辭真確乃云安
撫亦疑信之間令某二人便宜從事某見相公口口是忠臣

某如何敢殺相公既真個去揚州某等卻送去時舉所攜銀一百五十兩與五十兵且許以至揚州二路分分賜金百兩遂行二路分所引路乃淮西路既見子堅欲往揚州遂復取揚州路是日行至二路分先辭去留二十人送至揚州二十人者又行十數里取白金亦辭去揚州有販鬻者以馬載物夜竊行於途曰馬槩子二十人者但令隨馬槩子即至揚州西門至揚州西門德甚有三十郎廟僅存牆階屋無矣一行人皆枕藉於地時三鼓風寒露濕悽苦不可道杜架閣以爲制臣欲殺我不如早尋一所趨高郵至通州渡海歸江南或見二主伸報國之志徒死城下無益余元慶引一賣柴人至云相公有福問能導至高沙否曰能曰何處可暫避一日曰儂家可曰此去幾里曰二三十里曰有哨否曰數日不一至曰今日哨至如何曰看福如何耳同行通十二人行止未決余元慶李茂吳亮蕭發遠生叛心所懷白金各一百五十星攜以走子不得已去揚州城下隨賣柴人趨其家天色漸明行不能進至十五里頭半山有土圍一所舊是民居毀蕩之餘無椽瓦其間馬糞堆積時惟恐有望高者見一隊人行卽來追逐只得入此土圍中暫避既入土圍中四山圍然無一人影時無米可飯有米亦無烟火可炊懷金無救也土圍糞穢不可避但掃淨數尺地以所攜衣服貼襯地而驕起

復坐坐起復睡忽有數千騎隨山而行正從土圍後過一行
 人無復人色傍壁深坐恐門外得見若一騎入來卽無噍類
 矣時門前馬足與箭筒聲歷落在耳只隔一壁幸而風雨大
 作騎徑去予與杜架閣及金應張慶夏仲呂武王青鄒捷共
 八人在土圍中時已過午謂哨不來山下一里有古廟廟中
 有丐婦居之廟前有井亟遣呂武鄒捷下山汲水意或可以
 得米菜少救飢餓不料哨至二人被獲二人解腰白金近三
 百兩悉以與之北受得不殺及哨過二人方回早從賣柴人
 行不能前遂至於土圍中約賣柴人入城糴米救性命云是
 日北數百騎薄西城於是門不開賣柴人竟不得出于等飢
 窮失措又以土圍中露天不可睡於是下山投古廟中與丐
 婦人同居焉既至廟中坐未定忽有人攜槌至良久三四人
 陸續來吾意不免矣乃知其入自城中來夜討柴粟早入城
 赴賣無惡意也數人煮糝羹出其餘以遺我子見詰樵夫幸
 而可與語告以患難厚許之使導在高沙賴其欣然見從謂
 此處不是高沙路方駐堡城北門買家庄少駐一日卽爲入
 城糴米買肉以救兩日之飢又雇馬辦乾糧以備行役於是
 五更隨諸樵夫往焉初五日黎明至買家庄雇騎夜趨高郵
 越四十里至板橋迷失道一夕行田畝中不知東西風露滿
 身人馬飢乏旦行霧中不相辨須臾四山漸明忽隱隱見北

騎道有竹林亟入避須臾二十餘騎逸林呼噪虞侯張慶右
眼內中一箭項二刀割其髻裸於地帳兵王青縛去杜架關
與金慮林中被獲出所攜黃金賂避者得免于戴處距架關
不遠北馬入林過吾傍三四皆不見僕夫鄂捷臥囊篠下馬
過踏其足流血總轄呂武親隨夏仲散避他所先是自揚州
來有引路三人牽馬三人至是或執或逃僅存其二二人出
於無聊各操槌相隨有無禮之志這巡行路無可奈何至晚
忽遇樵者數人如佛下降偶得一籬以繩維之坐於籬中雇
六夫更迭負送馳至高郵城西天已曉不得渡常恐追騎奄
至宿陳氏店以茅覆地忍飢而臥黎明過渡而心始安予至
高沙姦細之禁甚嚴時予以籬爲暫見者憐之又張慶血流
滿面衣衫皆污人皆知其爲遇北不復以姦細疑然聞制使
有文字報諸郡有一丞相來賺城令覓察關防於是不敢入
城急買舟去高郵水與灣頭迺下海陵入射陽通漣水皆其
路也二月六日城子河一戰我師大捷人指某處是戰場自
至城子河積尸盈野水中流尸無數臭穢不可當上下幾二
十里乃北以二月六日載奉使柳岳洪雷震并輜重俱北稽
家莊擊其前高郵擊其腰北大喪敗柳岳死焉洪雷震今在
高郵見北說入江淮惟此戰我師大勝自高郵至稽家莊方
有一團人家以水爲砦砦制官稽聳其子德潤請鄉舉其姪

昌其節客蕭田人林希驥字千里林孔時字願學皆銳意於
事功者橋設醴甚至云今早報灣頭馬出到城于河邊不與
之相遇公英福人也爲之嗟嘆
不置願學同德潤送子至泰州

閏月謝太后與帝隨元兵北行至瓜洲李庭芝與姜才涕泣誓
將士出兵奪兩官將士皆感泣乃盡散金帛犒兵以四萬人夜
擄瓜洲戰三時眾擁帝避去才追戰至浦子市苗再成亦謀奪

馮不克

朱元通盤一
百二十六

夏四月乙丑朔阿朮以宋高郵寶應嘗餽揚州遣蒙古軍將
苦徹及史弼等守之別遣都元帥孛魯歡等攻秦州之新城

元史

世祖
紀六

端宗景炎元年五月乙巳阿朮遣總管陳傑攻拔秦州之新城

遣萬戶烏馬兒守之以徧泰州

同上 案蓋于
於五月朔即位

丁未姜才攻灣頭堡阿里別擊走之殺其步騎四百餘人右衛

親軍千戶董士元戰死

同上

戊申宋馮都統等自真州率兵二千戰船百艘襲瓜洲阿朮遣

萬戶昔里罕阿塔赤等出戰大敗之追至珠金沙得船七十七

艘馮都統等赴水死

同上 案馮都
統史逸其名

六月甲戌姜才夜率步騎數千趨丁村堡守將史弼苦徹出戰

斬首百餘級獲馬四十四匹詰旦阿里都督陳巖以灣頭堡兵邀

其後大破之獲米五千餘石阿朮又以高郵水路不通必由陸

路餽運以千騎邀之米運果來殺負米卒數千獲米三千石

同上

壬辰李庭芝留朱煥守揚州與姜才率步騎五千東走阿水親率百餘騎督右丞阿里萬戶劉國傑分道追及秦州西殺步卒千人庭芝等僅得入遂築長圍塹而守之

同上

秋七月乙巳朱煥以揚州降

同上

乙卯宋秦州守將孫良臣與李庭芝帳下卒劉發鄭俊開北門以降執李庭芝姜才繫揚州獄

同上

宋亡謝太后及瀛國公爲詔諭之降庭芝登城曰奉詔守城未聞有詔諭降也已而兩宮至瓜洲復詔庭芝庭芝不答命發弩射使者斃一人餘皆退去姜才出兵奪兩宮不克復閉城守三月夏貴以淮西降慕容有以言覘庭芝者庭芝曰吾

惟一死而已阿木使者持詔來招降庭芝開壁納使者斬之
焚詔俾上已而淮安盱眙泗州皆以糧盡降庭芝猶括民間
粟以給兵粟盡令官人出粟粟又盡令將校出粟雜牛皮麩
藥以給之兵有烹子而食者猶日出苦戰七月益王遣使以
少保左丞相召庭芝庭芝以朱煥守揚與姜才將兵七千人

元史作
五千

東至泰州煥旣以城降驅庭芝將士妻子至泰州城

下裨將孫貴胡惟孝等開門降庭芝聞變赴蓮池水淺不得
死被執至揚州朱煥請曰揚自用兵以來積骸滿野皆庭芝
與才所爲不殺之何俟於是斬之死之日揚之民皆泣下

宋史

庭芝
本傳

姜才濠州人通州副都統知兵善騎射撫士卒有恩

至臨陳軍律凜凜賈似道出師屬孫虎臣爲先鋒虎臣軍潰才收兵入揚州大兵乘勝攻揚才爲三疊陳逆之三里溝有功又戰楊子橋流矢貫才肩才拔矢揮刀而前所向辟易已而大軍築長圍自楊子橋竟瓜洲東北跨灣頭至黃塘西北至丁村欲以久困之時德祐元年也明年正月宋亡使持謝太后詔來諭才發弩射卻之復擊五奉使於召伯堡瀛國公至瓜洲才出奪之眾擁瀛國公去才進戰至浦子市夜猶不退阿朮使人招之才曰吾寧死豈作降將軍耶四月才以兵攻灣頭柵五月復攻之騎旋渾而止乃舍騎步戰至四鼓全師以歸揚食盡才時出運米真州高郵以給兵六月護餉至

馬家渡萬戶史弼將兵奪之才與戰達旦弼幾殆阿木來援乃免庭芝以在圍久召才計事屏左右語久之第聞才厲聲云相公不過忍片時痛耳自是以兵護庭芝第期與俱死七月益王以保康軍承宣使召才才與庭芝東至泰州將入海阿木以兵追及國泰州使招之降才不聽阿木驅揚兵士妻子至城下會才疽發背不能戰諸將遂開門降都統曹安國入才臥內執之以獻阿木愛其忠勇欲降而用之才肆爲慢言阿木責庭芝不降才曰不降者才也復憤憤不已阿木怒乃之揚州

宋史忠義傳六

宋應龍爲泰州諮議官泰守孫良臣之

弟舜臣自軍中來說降良臣召應龍與計應龍極陳國家恩

澤君臣大義請殺彘臣以戒持二心者良臣不得已殺之及

泰州降應龍夫婦自經死

宋史李庭芝傳忠義傳云應龍儒生通兵出入行陳三十餘年

褚一正字粹翁廬州人知高郵軍守邊有功擢閩門宣贊

舍人爲提刑司諾議官督戰被創沒水死

宏簡錄一百九十

賈純

孝揚州教授受知帥李庭芝調江淮總募北兵下江南二王

在福州以史館檢閱召辭文天祥辟佐其幕厓山師敗抱二

女偕妻牟同赴海死

宋史忠義傳曰案純孝潼州懷安軍人具賈子坤傳

丙辰阿朮以總管烏馬兒等守泰州高郵等處相繼來附

元史世祖

六紀

高貴知高郵軍時江淮已沒於元貴聞益王立於福州從海

道勤王厓山兵敗赴海死之

高郵州志

八月元軍入真州

宋元通鑑一百二十六

揚州既破元兵攻真益急趙孟錦死焉城陷再成不屈死

王宗

沐賴鑑宋紀五十二

苗再成舊史無傳失其家世文天祥自鎮江亡

入真州再成知州事聞之出迎泣且喜曰兩淮雖敵足以興復特二關不能合從耳天祥問計安出再成曰今先約淮西兵趨建康彼必悉力以扞乃指揮東諸將以通泰兵攻虜頭以高郵寶應淮安兵攻揚子橋以揚州兵攻瓜步吾以舟師直擣鎮江同日大舉灣頭揚子橋皆沿江脆兵且日夜望我師之至攻之卽下使合攻瓜步之三面吾自江中一面薄之

雖有智者不能爲之謀矣瓜步旣舉以東兵入京口西兵入金陵要浙歸路其大帥可立致也天祥大稱善卽以書遺二制置會李庭芝疑阻不果行其年加再成濠州圍練使有宗室趙孟錦爲揚州都統司參議官自少不羈再成倚以爲重元阿朮入侵孟錦每戰輒當其鋒時阿朮攻益急以重艦駐江上孟錦乘大霧襲之頃之日高霧霽元人見其兵少逐之孟錦登舟失足溺水死城遂陷再成不屈而死

宏備錄一百九十一 案文

信公至真州再成出迎與謀興復後得李制置書言信公爲元說降賺城再成乃給令出城並遣二路分便宜從事是再成亦疑之也舊志再成傳乃云庭芝得書疑天祥爲元人說降並疑再成舛誤殊甚今並削之

廣陵事略卷之五終

廣漢事略卷之六

歸安姚文田輯

元

世祖至元十二年閏三月置淮南江北等處行中書省於揚州

元史百

官志八

立真州安撫司

元史地理志二

十四年春正月丙辰置江淮等路都轉運鹽使司及江淮榷茶

都轉運使司

元史世祖紀六

三月壬子竇應軍人施福殺其守將降詔以福爲千戶

同上

秋七月丙午置行御史臺於揚州

同上

改立揚州真州泰州高郵路總管府

元史地理志

十五年三月乙未命揚州行省選鐵木兒不花所部兵助隆興

進討

元史世祖紀七

秋七月癸巳以揚州舟師付水軍萬戶張榮實將之

同上

丁酉命揚州行中書省分軍三千付李恒

同上

十一月丁未立淮東宣慰司於揚州

同上

案元史於是日又云行中書省自揚州移杭

州改後十六年詔揚州行中書省選軍充侍衛十八年給揚州行省新附軍校鈔十九年鎮繁忽辛赴揚州鞠治忽辛乃揚州行省平章則行中書省固未移也至二十一年始移杭州此史誤續宏簡錄削之良是

十六年二月癸未以征日本敕揚州造戰船

同上

四月癸卯詔揚州行中書省選南軍精銳者二萬人充侍衛并

發其家赴京師

同上

十七年六月壬辰江淮等處頒行鈔法廢宋銅錢

元史世祖紀八

戊戌阿合馬矯殺江淮平章阿里伯右丞燕帖木兒崔斌等

邵遠

平續宏簡錄三 案崔斌上當有左丞二字

先是崔斌摘發阿合馬姦竄海內稱快未幾斌遷江淮行省

左丞阿合馬慮其害已乃誣構斌與平章阿里伯右丞燕帖

木兒盜官糧四十萬及擅易命官八百餘員命都事劉正等

往按獄弗具復遣參政張澍等雜治十二月庚午並殺之

王宗

沐績鑑元紀一 案續鑑月日與邵錄不同攷元史姦臣傳止載年分未知二書孰是崔斌冤獄斌本傳亦不詳具劉正

傳 崔斌字仲文馬邑人善騎射尤攻文學世祖命佐卜憐

吉帶將遊騎戍淮南兵駐揚州西城斌領騎兵視敵兵亂潛
出擊之多所殺獲至元十年進資善大夫行中書省左丞十
五年被召入覲時阿合馬擅權日甚斌極言姦蠹無不稱快
尙書留夢炎謝元昌言江淮行省事至重而省臣無一人通
文墨者乃命斌遷江淮行省左丞既至凡前日蠹國漁民不
法之政悉釐正之仍條具以聞阿合馬慮其害已拮據其細
事遮留使不得上見因誣構以罪竟爲所害天下冤之

元史
斌本

傳

十八年秋七月賜貴赤合八兒禿所招和真淶等戶二千八百

二十俾自領之

元史世
祖紀八

冬十月壬子用和禮霍孫言於揚州置蒙古提舉學校官二員

同上

十九年夏四月丁酉遣揚州射士戍泉州

元史世祖紀九

秋七月戊午朔立行樞密院於揚州

同上

省宣慰司以本路總管府直隸行省

元史地理志二

二十年五月甲子徙揚州淘金夫赴益都七月丁卯罷淮南淘

金司以其戶還民籍

元史世祖紀九

二十一年二月辛巳參知政事征緬浚揚州漕河

元史世祖紀一

戊申徙江淮行省於杭州

同上

復立淮東道宣慰司

元史地理志二

夏四月丁丑忽都虎烏馬兒劉萬戶等率揚州省軍二萬赴唆

都軍前遇風船散其軍皆潰

元史世祖紀十

閏五月丙戌行御史臺自揚州遷於杭州

同上

秋七月復揚州管匠提舉司

同上

二十二年二月乙巳改江淮元帥招討司爲上中下三萬戶府

高郵爲上萬戶真州爲中萬戶揚州泰州弩手保甲爲下萬戶

續宏簡

錄三

九月乙亥聽民自實兩淮荒田免稅三年

元史世祖紀十

二十三年秋七月庚午徙江淮行省於揚州立洪澤南北三屯

於淮南之白水塘

續宏簡錄三

江淮行省忙兀帶言今置省杭州兩淮江東諸路財賦軍實皆南輸又復北上不便揚州地控江海宜置省宿重兵鎮之且轉輸無往返之勞行省徙揚州便從之

元史世祖紀十一

廢宣慰司

元史地理志二

二十四年十二月丁卯減揚州省歲額米十五萬石以鹽引五十萬易糶

元史世祖紀十一

二十五年春正月丙午以平江鹽兵屯田於淮東西

元史世祖紀十二

癸丑置淮東道勸農營田司

同上

二十六年二月癸亥徙江淮省治杭州改浙西道宣慰司爲淮

東道宣慰司治揚州

同上

夏四月戊午省江淮屯田打捕提舉司七所存者徐邳海州揚

州兩淮淮安高郵昭信安豐鎮巢蘄黃魚網石湫猶十二所

同上

五月行御史臺復徙於揚州

同上

二十七年十一月江淮行省平章不憐吉帶言揚州建康鎮江

三城跨據大江人民繁會宜置七萬戶府從之

王宗沐續鑑元紀三案不憐

吉帶卽卜
憐吉帶

二十八年春正月辛酉罷江淮漕運司并於海船萬戶府由海

道漕運

元史世祖紀十三

二月丙戌詔江淮行省遣蒙古軍五百漢兵千人從皇子鎮南

王鎮揚州

同上

世祖第九子脫歡以討安南無成功終身不許見遂封鎮南

王出鎮揚州

元史帖木兒不花傳 案脫歡於至元二十一年已封鎮南王鎮鄂州又鎮南京再徙揚州其

封王在討安南前此

云遂封語意小誤

江淮豪家多行賄權貴爲府縣卒史容庇門戶遇有差賦惟及

貧民詔江淮行省嚴禁之

元史世祖紀十三

五月壬寅徙江淮行樞密院治建康

同上

秋七月己未移揚子縣治新城

同上

罷江淮人匠提舉司

同上

二十九年淮東廉訪司移揚州

元史崔彧傳 廉訪司舊治淮安

三十年春正月甲戌河南江北行省平章伯顏言揚州忙兀臺

所立屯田爲田四萬餘頃官種外宜聽民耕墾揚州鹽轉運一

司設三重官府宜削去鹽司止留管勾詔從其議元史世祖紀十四時揚

州改隸河南行省

案

忙兀臺卽忙兀帶

戊寅詔舊隸乃顏勝荅兒女直戶四百虛糜廩食令屯田揚州

上同

夏四月江南行大司農司自平江徙揚州兼管兩淮農事

上同

成宗大德元年二月癸卯徙揚州萬戶鄧新軍屯斬黃元史成宗紀二

三月庚寅立江淮等處財賦總管府及提舉司

上同

閏十一月甲申增兩淮屯田軍爲二萬人

上同

二年二月庚寅以兩淮閒田給蒙古軍

上同

四年春正月癸卯復淮東漕渠

元史成宗紀三

五年鎮南王脫歡薨子老章襲封

元史諸王表

八年秋七月辛酉罷江淮等處財賦總管府

元史成宗紀四

十年春正月庚戌浚真揚等州漕河合鹽商每引輸鈔二貫以

爲備工之費

同上

武宗至大三年十一月鎮南王老章出入導衛僭竊上儀遣官

詰問十二月召赴闕

元史武宗紀二

仁宗皇慶二年秋七月己酉改淮東淮西道宣慰司爲淮東宣

慰司以淮西三路隸河南省

元史仁宗紀一

延祐元年十二月庚子遣官浚揚州淮安等處運河

元史仁宗紀二

四年五月壬午高郵真州等處流民羣聚持兵抄掠敗所在有

司其傷人及盜者遣之餘並給糧遣歸

元史仁宗紀三

冬十月己酉給兩淮屯田總管府職田

同上

十一月己卯復浚揚州運河

同上

五年三月乙亥增給兩淮運司分司印一

同上

七年夏四月增兩淮田賦斗加二升

元史英宗紀一

英宗至治二年三月癸酉兩淮諸郡饑禁釀酒

元史英宗紀二

十二月丙寅增鎮南王脫不花戍兵

同上案脫不花老章弟老章以至大三年召赴闕

未知何時還鎮及脫不花

何年襲封史文皆無攷

三年秋七月己酉免江淮增科糧

同上

泰定帝泰定元年冬十月真州珠金沙河淤塞詔有司備民丁

浚之

元史泰定

帝紀一

二年十二月乙酉鎮南王脫不花薨遣中書平章政事乃馬歹

攝鎮其地

同上

三年十一月戊午封諸王帖木兒不花爲鎮南王出鎮揚州

元史

泰定
紀二

帖木兒不花脫歡第四子鎮南王脫不花薨子字羅不花幼

帖木兒不花乃嗣爲鎮南王

元史帖木兒
不花本傳

文宗天曆二年夏四月丙午封字羅不花爲鎮南王冬十月丙

戌遣字羅不花還鎮揚州

元史文
宗紀二

十二月乙未改封前鎮南王帖木兒不花爲宣讓王

同上

初鎮南王脫不花薨子孛羅不花幼帖木兒不花乃嗣爲鎮

南王天祿二年孛羅不花已長帖木兒不花請以位復還孛

羅不花朝廷以其讓而不居也改封宣讓王移鎮廬州

元史帖木

兒不花傳

至順二年冬十一月戊寅樞密院臣言天祿兵興以揚州重鎮

嘗假淮東宣慰司以兵權今事已寧宜以所部兵復隸河南行

省

元史文宗紀四

順帝元統元年冬十月乙酉詔以高郵府爲伯顏食邑

元史順帝紀一

至正元年三月庚戌罷兩淮屯田手號打捕軍役令屬本所領

之元史順

帝紀三

七年九月甲子集慶路盜起鎮南王李羅不花討平之

元史順
帝紀四

兩淮運使宋文瓚言江陰通泰江海之門戶鎮江真州次之

國初設萬戶府以鎮其地今戍將非人致使賊艦往來無常

集慶花山劫賊才三十六人官軍萬數不能討反爲所敗後

竟假手鹽徒雖能成功豈不貽笑宜亟選知勇以任兵柄不

聽同上輟耕錄云花山賊畢四等僅三十六人內一婦人

尤勇捷聚集茅山縱橫出沒三月餘三省撥兵不能捕殺

傷官軍無數後募離徒朱

陳等率其黨一鼓擒之

甲寅徭賊吳天保陷靖州命鎮南王李羅不花以兵討之

同上

十二月丙戌以河南賊盜出入無常分撥達達軍與揚州舊軍

於河南水陸關隘戍守

同上

十二年春正月乙卯淮東宣慰司添設同知宣慰司事及都事

各一員

元史順帝紀五

命遂魯會爲淮東添設元帥統領兩淮所募鹽丁五千人討徐

州

同上

紅中有號芝麻李者據徐州脫脫請自行討之以魯會爲淮

南宣慰使募鹽丁及城邑趨捷通二萬人與所統兵俱發

元史

脫脫傳

二月癸未命諸王禿堅領從官百人馳驛守揚州

元史順帝紀五

閏三月乙酉立淮南江北等處行中書省治揚州

同上

戊戌詔淮南省設官二十五員

同

給淮南行省銀字圓牌三面驛券五十道詔平章政事晃火兒

不花便宜行事

同上

十三年五月乙未泰州白駒場亭民張士誠及其弟士德士信

爲亂

元史順帝紀六

士誠小字九四白駒場亭人有弟三人士義士德士信兄弟

並操舟運鹽爲業緣私作姦利頗輕財好施得羣輩心常鸞

鹽諸富家富家多陵侮之或負其直弗酬而弓手邱義尤窘

辱士誠甚士誠忿卽帥諸弟及壯士李伯昇等十八人殺義

并滅諸富家縱火焚其居入旁近場招少年起兵鹽丁方苦

重役遂共推爲主過丁溪爲大姓劉子仁者所捉士義中矢

死士誠擊走子仁乘勝陷泰州

明史葉士誠本傳

王克柔者泰州

人家富好施多結游俠將爲不軌高郵知府李齊收捕於獄

李華甫與麴張四素感克柔恩謀聚眾劫獄齊以克柔解發

揚州後招安華甫爲泰州判四爲千夫長至正十三年五月

士誠又與華甫同謀起事未幾士誠黨與十八人共殺華甫

遂并其眾

輟耕錄

張士誠陷泰州及興化縣高郵知府李齊不屈死士誠自稱誠

王偕號周建元天祐

續宏簡錄十

李齊字公平廣平人元統元年進士第一歷知高郵府有政

聲至正十一年州人秦觀保造兵仗將圍劫掠獲而行誅十三年張士誠爲亂破秦州河南行省遣齊往招降被拘久之賊酋自相殺始縱齊歸秦州平賊徒尙蠢聚士誠復鼓變殺參知政事趙璉掠官庫民財走入得勝湖俄陷興化以左丞僕哲篤偕宗王鎮高郵使齊出守甓社湖五月乙未賊入城一噪呼而省憲官皆遁齊急還救城賊已閉門拒遂連興化接得勝湖舟艦四塞蔓延入寶應縣已而有詔凡叛逆者赦之詔至高郵不得入賊給曰李知府來乃受命行省強齊往至則下齊獄中士誠本無降意特遷延爲繕飭計耳官軍謀知之乃進攻士誠呼齊使跪齊叱曰吾膝如鐵豈肯爲賊

屈士誠怒扼之跪齊立而詬乃曳倒搥碎其膝而丹之

元史忠義

傳 二 趙璉字伯器累遷淮南行省參知政事移鎮真州張士

誠爲亂陷泰州興化行省遣兵討之不克乃命高郵知府李齊往招諭之士誠因請降行省授以民職且乞從征討自効遂移璉鎮泰州璉乃趣士誠治戈船趨濠泗士誠疑憚不肯發又覘知璉無備遂復反夜縱火登城璉力疾捫佩刀上馬與賊鬪市衢賊圍璉邀至其船璉詰之曰汝輩罪在不赦今旣宥爾誅戮又錫以名爵朝廷何負於汝乃復反耶我執政大臣豈爲賊屈卽馳騎奮擊賊賊以槩撞璉陸地欲昇登其舟璉瞋目大罵遂死之其僕揚兒以身蔽璉亦俱死亂定州

民收其屍殯於真州事聞賻鈔三百錠官其子錡

同上案
建潁川人

其趙宏
偉傳

盛昭字克明歸德人累遷淮南行省照磨會詔使

往高郵不得達而還謬稱賊已迎拜但乞名爵耳行省不虞
其欺乃遣昭入高郵投所與士誠官士誠拒不聽拘諸舟中
昭語所從吏曰吾之止此有死而已既而官軍逼高郵士誠
授昭以兵使出拒官軍昭叱曰吾奉命招諭汝汝拘留詔使
罪不容斬又欲吾從汝爲賊耶大罵不絕口賊怒先劔其臂
肉而後磔之同上 納速刺丁字士瞻辟掾淮東宣慰司至正
十年賊發真州納速刺丁以民兵往襲之獲賊四十二人已
而泰州賊大起鎮南王府宣慰司請參議軍事納速刺丁建

議築四城立外砦捷隄穿河募兵與賊抗行省檄其提戰艦
巡江且護蒙古軍往江寧道遇賊斬擊二百餘級生獲十八
人未幾出邏江上賊突至馳船來鬪納速刺丁手射死三十
賊奪其放火小船二百賊因遁走復追斬三百餘級捷聞賞
賚良渥召還真州賊犯蕪湖行省檄使來援乃以兵赴之泰
州李二起移捍高郵復勝湖賊船七十餘乘風而來卽擊之
焚其二十餘船賊潰去李二失援遂降其黨張士誠殺李二
復爲亂戕參政趙璉入據興化而水陸襲高郵屯兵東門納
速刺丁以舟師會諸軍討之距三梁鎮賊眾猝至納速刺丁
麾兵挫其鋒後賊謀而前乃發火鏃射之死者蔽流而下賊

繚船於背盡力來攻阿速衛及真除萬戶府等官皆遁走納
速刺丁顧必死謂其三子寶童海魯丁西山驢曰汝輩可脫
走寶童等不肯去遂皆死之事聞贈納速刺丁淮西元帥府

經歷

同

石普字元周徐州人以樞密院都事從守淮安時

張士誠據高郵普詣丞相陳破賊之策且曰高郵負重湖之
險地皆沮洳騎兵卒莫能前與普步兵三萬保取之高郵平
則濠泗易破普請先驅爲天下忠義倡丞相壯之命權山東
義兵萬戶府事招民義萬人以行而汝中柏用事陰沮之滅
其半初令便宜從事及行又使聽淮南行省節制普行次范
水砦日未夕令軍中具食夜漏三刻下令銜枚趨寶應營中

更鼓如平時抵縣卽登城樹幟賊驚潰因撫安其民乘勝拔
十餘砦將抵高郵分兵三隊一趨城東備水戰一爲奇兵虞
後一自將攻北門遇賊與戰賊不能支遁入城普先士卒躍
之縱火燒關門賊思謀棄城走而援軍望之按不進且忌普
成功總兵者遣蒙古千騎突出普軍前欲收先入之功賊以
死扞蒙古軍恇怯卽馳回普止之不可遂爲賊蹂踐普軍亂
賊乘之普勒餘兵血戰良久仗劍大呼曰丈夫當爲國死有
不進者斬奮擊直入賊陣從者僅三十人日西援絕被創墮
馬復步戰數合賊指曰此必頭目須生致之普叱曰死賊奴
我卽石都事何云頭目左脅爲賊鎗所中猶手握鎗斫賊賊

衆益至攢刺普與從者皆死之

同上 案汝中柏舊志臆改柏汝中甚詳

六月辛亥親王完者禿泰州陳亡命前河西廉訪副使也先不

花爲淮西添設宣慰副使討泰州

元史順帝紀六

命淮南行省平章政事達世帖睦邇便宜行事詔淮南行省平

章政事福壽討興化

同上

十四年二月己未以湖廣行省平章政事苟兒爲淮南行省平

章政事以兵攻高郵

同上

詔淮南省立義兵萬戶府

同上

六月辛卯朔張士誠寇揚州

同上

九月辛酉詔脫脫以太師中書右丞相總制諸王各愛馬諸省

各翼軍馬督總兵領兵大小官將出征高郵

同上

丁卯脫脫領大兵至高郵辛未戰於高郵城外大敗賊眾

同上

董搏霄字孟起磁州人至正十四年陞樞密院判官從丞相

脫脫征高郵分戍鹽城興化賊巢在大縱得勝兩湖間凡十

有二悉剿平之卽其地築芙蓉砦賊入輒迷故道盡殺之自

是不敢復犯陞同僉淮南行樞密院事

元史搏霄本傳 搏霄後遷河南行省

右丞死毛貴之亂賊刺殺之無血惟見白氣衝天

又本傳

云搏霄在濟南屬老且病請以弟昂霄代朝廷因授昂霄淮

南行樞密院判官舊志誤以行院判官屬之搏霄列入名宦甚謬

十二月丁酉詔以脫脫老師費財已逾三月削官爵安置淮安

路

元史順帝紀六

脫脫總大軍出討數敗士誠圍高郵墮其外城城且下順帝

信讓言解脫脫兵柄削官爵以他將代之士誠乘間奮擊元

兵潰去由是復振

明史張士誠傳 朱是時劾脫脫者御史袁賽因不花等

國王朶兒只以本部兵守揚州

元史朶兒只本傳

朶兒只木華黎六世孫襲王位之國遼陽脫脫總兵南討朶

兒只領兵出淮南聽節制既而詔削脫脫官爵朶兒只乃以

兵守揚州

同上

十五年夏四月詔翰林院待制烏馬兒集賢待制孫搗招安高

郵張士誠仍齎宣命印信牌面與鎮南王孛羅不花及淮南行

省廉訪司等官商議給付之

元史順帝紀七

孫搗字自謙曹州人濟寧路錄事張士誠據高郵或謂其有

降意朝廷擇烏馬兒爲使招諭士誠而用搆爲輔行搆家居不知也中書借搆集賢待制就其家起之搆強行抵高郵士誠不迎詔搆等入城反覆開諭士誠等竦然聽已而拘之他室或日一饋食或間日一饋食欲以降搆搆詬斥乃令其黨捶搆及士誠徙平江搆與士誠部將張茂先謀遣壯士浦四許誠赴鎮南王府約即日進兵復高郵謀泄執搆訊問搆罵聲不絕竟爲所害

元史忠義傳二

五月命淮南行省平章政事咬住淮東廉訪使王也先迭兒撫

諭高郵

元史順帝紀七

六月國王朶兒只薨於揚州軍中命郡王只兒噉伯管領其所

部軍馬同

八月詔淮南行省左丞相太平統淮南諸軍討所陷郡邑仍命湖廣行省平章政事阿魯灰以所部苗軍聽其節制

同上

先是集慶有警阿魯灰以苗軍來援事平其軍鎮揚州而阿魯灰御軍無紀律苗蠻素獷悍日事殺戮莫能治俄而殺阿

魯灰以叛

元史福壽傳

苗衆既入中國不可控制略上江順流

抵揚州禽獸之行絕天逆理民怨且怒起義兵攻殺之餘黨

奔潰度楊子留廣德吳興間

輟耕錄

冬十月丁巳立淮南行樞密院於揚州

元史順帝紀七

十六年二月高郵張士誠陷平江路據之

同上

士誠據高郵踰年淮東饑乃遣弟士德由通州渡江入常熟十六年二月陷平江湖州松江及常州諸路改平江爲隆平府士誠自高郵來都之太祖遣楊憲通好於士誠士誠畱憲不報徐達兵徇宜興攻常熟士德迎戰敗爲前鋒趙德勝所擒士德小字九六善戰有謀能得士心浙西地皆其所略定旣被擒士誠大沮太祖欲畱士德以托士誠士德間道賂士誠書俾降元士誠遂決計降江浙右丞相達識帖睦迺言於朝授太尉自海道輸糧十一萬石於大都歲以爲常旣而邀王爵不許二十三年九月復自立爲吳王尊其母曹氏爲王太妃置官屬以士信爲江浙行省左丞相幽達識帖睦迺

於嘉興元徵糧不復與參軍俞思齊者字中孚泰州人諫士
誠日向爲賊可無貢今爲臣不貢可乎士誠怒抵案仆地思
齊卽引疾去太祖旣平武昌命徐達等規取淮東士誠以舟
師溯江來援太祖自將擊走之二十六年十一月大軍攻平
江築長圍困之士誠距守數月數突圍決戰不利士信中礮
死二十七年九月城破士誠收餘衆戰於萬壽寺東街衆散
走倉皇歸府第拒戶自縊部將趙世雄解之火將軍達數遣
李伯昇潘元紹等諭意士誠瞑目不答昇出葑門入舟不復

食至金陵竟自縊死年四十七

明史士誠本傳 案達識
帖睦爾卽達世帖睦爾

十七年八月明兵取揚州路

元史順
帝紀八

是時元將張明鑑據揚州冬十月繆大亨克揚州張明鑑降

明史太祖紀一

初明鑑聚眾淮西以青布爲號稱青軍又以善長

槍稱長槍軍由含山轉掠揚州元鎮南王孛羅普化招降之

以爲濠泗義兵元帥踰年食盡謀擁王作亂王走死淮安明

鑑遂據城屠居民以食

明史繆大亨傳 案孛羅普化卽孛羅不花

十二月詔淮南知行樞密事脫脫領兵討淮南

元史順帝紀八

二十五年閏月明兵取泰州

元史順帝紀九 時泰州高郵尙爲張士誠所據

二十六年二月明兵取高郵府

元史順帝紀十

太祖稱吳王以達爲左相國帥遇春等徇淮東克泰州復克

高郵俘吳將士千餘人

明史徐達傳

常遇春字伯仁懷遠人太

祖既定集慶命遇春同徐達取秦州敵退保新城明兵入據
舊城相持未下遇春屯海安鎮以絕敵援兵之路遂破秦州
俘其將夏思恭等又征高郵克之嘉靖志案明史無遇春
亦未嘗爲揚官列入名宦甚誤又明史本傳云江都有地
名常家沙族丁數千皆其始祖達裔崇禎時遇春裔孫廷齡
請鼓以忠義練爲親兵帝嘉之不果行

明

惠帝建文四年五月己丑盛庸軍潰於淮上燕兵渡淮趨揚州
拊揮王禮等叛降燕御史王彬指揮崇剛死之明史惠帝紀
案崇剛當依明

史本傳作鎮撫是
時指揮乃王禮也

王克盱眙集諸將議所向或言宜取鳳陽或言先取淮安王

曰鳳陽樓植完淮安多積粟攻之未易下不若乘勝直趨揚州則淮鳳自震己亥徇揚州天子遣許割地以和不聽六月

癸丑陳瑄以舟師叛附於王甲寅祭大江乙卯自瓜洲渡盛

庸以海艘迎戰敗績

明史成祖紀一

王彬字文質東平人進士拜

監察御史巡按江淮駐揚州北平兵至彬與鎮撫崇剛嬰城

堅守時盛庸兵既敗人無固志守將王禮謀舉城降彬執之

及其黨繫獄剛出練兵彬修守具晝夜不解有力士能舉千

斤彬嘗以自隨燕兵飛書城中縛王御史降者官三品左右

憚力士莫敢動禮弟崇厚賂力士母誘其子出乘彬解甲浴

猝縛之出禮於獄開門納燕師彬與剛皆不屈死福王時贈

彬太僕卿諡忠莊剛德清伯諡壯愍

明史葉彬本傳 案萬曆江都志鄂剛一日從

剛以戰功授揚州衛鎮撫又云王禮弟宗厚與千戶徐政張勝謀共執剛絀城下殺之故事較詳吾學編明史葉從剛作

崇剛宗厚作崇厚典舊志小異明史又以崇厚爲崇疑誤讀史葉崇厚賂力士母句以厚字屬下故刪之也

憲宗成化三年揚州鹽寇起守兵失利詔明討之

明史高明傳明事詳宦

志

寧津都勝成化初擢署都指揮僉事備倭揚州擊敗鹽徒爲

亂者乃命勝充參將協同漕運而鎡代之備倭勝居官廉靜

所處皆膏腴地而自奉簡淡日食止豆腐時因以爲號

明史王信

傳

合肥郭鉉沈毅有將畧累進都督同知凡軍民利病皆

陳於朝

同上 案自正統四年倭寇浙東始詔沿海重地皆屯兵備倭

五年三月鹽賊錢厚作亂稱江海上公備倭都督僉事董寬擒

之康熙志 案舊志不載成化三年
事疑與明史一事而紀載異耳

武宗正德六年大盜起明年七月李鉞戍淮揚明史何鑑傳

劉六名寵其弟七名宸文安人並驍悍善騎射先是有司患

盜召寵宸及其黨楊虎齊彥名等協捕頻有功會劉瑾家人

梁洪徵賄於寵等不得誣爲盜捕之破其家寵等乃叛所至

陷城殺將吏破邑百數縱橫數千里所過若無人明史馬中錫傳

梅本任高郵州判時流賊逼境本奉檄率士兵五百戍泰興

賊猝至令暨所屬皆奔竄本日吾奉命戍茲土死生以之可

避患耶率兵出戰以衆寡不敵死之萬曆志

仇鉞平河南賊稜師會陸完滅劉七等於江北

明史鉞本傳

劉七與齊彥名糾水寇自黃州九江湖口彭澤以及安慶太平儀真鎮江所過殘滅兵侍陸完統諸將下揚州斬退避指揮程鵬等將截海口而七至鎮江或泊通州之狼山或屯常熟之福山港遂凌駕江面縱橫上下通泰如皋咸被流劫乃復自通州沂江而上犯江西諸境復下通州游獵每謀自通

泰登岸還山東而揚州官軍拒之

毛奇齡後鑑錄

十四年六月寧王宸濠反八月戊辰以南征告郊廟癸未發京

師

明史藁武宗紀

十一月己未次寶應漁汜光湖

同上

十二月辛酉次揚州大索處女寡婦

同上

有吳經者尤親暱先至揚州嘗夜半然炬通衢遍入寡婦處

女家掠以出號哭震遠近許以金贖貧者多自經

明史宦官傳一

壬戌獵城西

明史葉武宗紀

江彬至揚州卽民居爲都督府遍刷處女寡婦實之有自經

者帝數獵城西命神周取鷹犬秦州卽東循草場大獵以劉

姬諫稍止

明史葉倭倖傳

癸未漁新鴈甲申幸儀真黃昌本家閱太監張雄所選伎送其

半於御舟

明史葉武宗紀

世宗嘉靖三十三年三月倭自太倉掠蘇州攻松江復趨江北

薄通泰

明史日本傳

五月城瓜洲

康熙志

鄭曉字室甫海鹽人以侍郎兼副都御史總督漕運大江南

北皆中倭漕艘幾阻奸民利倭賄多與通通州人顧表者尤

桀黠爲倭導以故管皆皆據要害盡知官兵虛實曉懸重賞

捕戮之募鹽徒驍悍者爲兵增設泰州海防副使築瓜洲城

諸海口皆增兵設墩遂破倭於通州

明史鄭曉傳

三十四年倭犯江北淮揚諸處

谷應泰明史紀事本末五十五

揚州衛千戶洪岱文昌齡率兵至通州遇倭死之倭薄揚州都

指揮張恒千戶羅大爵會沂禦之於教場兵潰死之

康熙志此案舊志此

事在三十五年據明史朱哀傳倭
初犯揚在三十四年今從明史

時倭一從瓜洲入一從新港入一從通州入一日報倭至黃
薇港次日又報至霍家橋逃者爭渡不得將沿河北走又遇
北路倭至被殺及溺死者數千人縱火焚掠衛官張恒等倉
皇領兵列營教場中倭鳴角困突恒兵潰俱死

同上

三十五年倭掠瓜洲燒漕艘

明史日本傳

時擔鹽夫百人遇倭卽用擔奮擊倭不能當棄仗而逃被傷

頗多

康熙志

吳百朋字惟錫義烏人進士以御史按江北會

倭犯揚州百朋聞報疾馳至揚時傳賊多間諜四門皆閉止
開東門之半許民入遠近扶攜爭門者門爲咽百朋命大開

各門納之眾懼呼徹天乃急趣士卒乘城晝夜躬拊循之至廢寢食士卒有死行間者親哭臨之仍厚恤其家以故一時軍民爭保城櫓賊不得近而百姓賴以無恐比解嚴百朋鬚

鬢俱白

萬縣江
邵志

師儒山西蒲州人舉人知儀真縣適倭寇

淮揚儒晝夜坐城櫓間與士卒同臥處倭分道抄掠且薄城下會盛暑大雨江溢城闔水深三尺民奔集城下者數萬人

儒提劍立水中開門悉入之申明斥堠寇莫敢犯

儀徵
縣志

倭復犯揚州府同知朱哀等死之

康熙
志

倭復至揚哀與高郵衛經歷晏銳率千戶賈勇及子恩引兵出城渡河束禦之敗哀與銳擄至井巷口被害

同上

朱哀字

崇晉郎西人武功知縣遷揚州同知吏無敢索民一錢倭入寇擊敗之沙河殲其首還所掠牲畜甚眾未幾復大至薄城

東門督兵奮擊兵潰死焉贈左參政錄一子

明史忠義傳二
萬厯志云銳

亦贈府判卽其地立
廟祀之賜額雙忠

增建揚州東關城

康熙志 案此卽知府吳桂芳
所築外城見明史桂芳本傳

三十六年夏四月倭從高郵至寶應縣焚掠殆盡

同上

三十八年夏四月江北倭趣通州進據白浦鎮兵備副使劉景

韶以遊擊邱陞擊白浦三戰三捷賊謀犯揚州景韶復督陞等

以火攻其老營敗之

紀事本末
五十五

劉景韶字子成崇陽人進士備兵揚州時倭寇猖獗景韶佐

李遂治兵躬擐甲胄者九十餘日生禽百斬首三千焚溺稱

之獲賊器械輜重以萬計捷聞增歲俸二級尋陞浙江按察

使名山藏

徐嵩祠祀略云嘉靖己未倭寇縱橫江淮沿江焚劫越通州而西公擐甲督眾直攻賊管順風縱火自辰

子午數十賊皆捷斬賊首一人眾遂潰亂水陸之師追襲之賊欲分我兵力先後繼進自料角嘴入者出丁堰則殲之於曹家堡潘莊自青墩港入者出西亭則殲之於小麥港新河口白蒲餘孽徑趨廟灣則合諸軍大破之先是三沙有賊千餘焚劫江南官軍失利似舟潛渡寇我通州乃檄諸軍敗之於舊場敗之於仲家莊又敗之於茆花墩江北之賊悉平

李遂字邦良豐城人進士歷右僉都御史三十六年倭擾

江北特命遂撫淮揚三十八年四月倭數百艘寇海門遂語

諸將曰賊侵犯之路有三由泰州逼天長鳳泗陵寢驚矣由

黃橋過瓜儀以搖南都運道梗矣若從富安沿海東至廟灣

則絕地也乃命副使劉景韶遊擊邱陞掘如皋而身馳泰州當其衝連戰皆捷通政唐順之副總兵劉顯來援賊大敗走以餘眾保廟灣據險不出攻之月餘不克遂令景韶塞塹夷木壓壘陳火焚其舟賊乘夜雨潛遁官軍據其巢追奔至鰕

子巷江北倭悉平賊駐崇明三沙者將犯揚州景韶戰連勝之賊盡殄遷兵部侍郎卒贈太子太保諡襄敏

明史遂本傳
名山藏云

時淮揚三創倭復值水災而大工採辦率挽協濟意外重科悉爲民困遂至革軍餉大戶幾千家城排門鄉兵歲省民財萬計以次經盡戰守諸備視地要害奏設副總兵參將守備若干員城天長儀徵費應諸縣造戰艦數百艘合練馬步兵賊再至

唐順之字應德武進人庶吉士累遷右通政命不敢犯

往南畿視師賊犯江北急與鳳陽巡撫李遂大破之姚家蕩

賊退巢廟灣順之薄之殺傷相當又拔三沙躍馬布陳持刃直前時盛暑居海舟兩月遂得疾會李遂改官南京卽溧順之右僉都御史代遂巡撫淮揚適大饑條上海防警後九事

三十九年卒卽闕予祭葬

明史順之本傳 萬厯志云順之巡撫鳳陽時江淮大饑順之周旋

於師旅饑饉間捐俸金又請餘鹽截運米煮粥以賑民賴存活者數百萬時疾已甚猶巡歷海上核戎旅攷荒政鞅掌盡瘁卒於泰州之姜堰鎮淮揚人思其功建祠祀之

秋七月三川沙倭突犯江北由海門流劫過金沙西亭將犯揚州參將邱陞禦之戰於鄧家莊賊敗走進至錫圍陞輕騎先進賊覘無後繼盡銳來衝陞馬蹶被殺已而官軍大至賊遁官軍尾之於白駒沙劉顯兵先登各管繼進擊之賊盡殄焉

紀事本末五十

劉顯南昌人膂力絕倫累遷副總兵協守江浙倭劫江北被圍於劉家莊顯以銳卒數千至巡撫李遂令盡護江北軍顯率所部直入諸營繼之自辰迄酉賊巢破逐北至白駒場茅

花墩斬首六百有奇

明史顯本傳

邱陞大同人時揚州參將王

介卒於軍以陞補禦倭遊擊賊勢方張陞率精騎南來勢如虓虎累獲奇捷中丞李遂倚以爲重已而倭屯東邨勢甚窘自度不免請盡歸所掠假道入海陞不許圍其屯數匝度賊窮必衝突預取邨中茅葦堆置路側內藏硝黃諸物陞率本部士直當其鋒舉火攻之賊前後受敵方抱泣待斃須臾大

雨如注火盡滅賊乘勢突前我師泥淖馬蹶弓濕反張陞遂
遇害揚人哀之以爲天亡陞非戰之罪也建祠祀之

高縣江
都志

王介山東人任揚州參將勇於赴敵雅知大義以會襄愍
銑撫其里有惠政而死非其罪至則拜公之堂伏地涕泣薦
紳義之累與倭戰多所斬獲後以病濕不能挽弓乘騎猶與
疾對壘勒兵以戰或以請告勸者介曰倭奴未滅遑恤其身
古人馬革裹屍之謂何竟以病卒揚州初介調自山東倭方
薄城而陳介鼓所部騎士分兩翼以勁弩射之賊皆裸跣應
弦而仆死者山積酣戰移日士氣益奮揚民自堞間窺之無
不呼噪壯之賊勢大潰會通州馬公子率兵至裝束與倭雜

介以爲賊援也稍引兵卻賊得遁去

萬縣江都志

神宗萬曆二十七年春正月遣供用庫官暨祿權儀真

紀事本末六十

五

時礦稅使四出三才所部權稅則徐州陳增儀真暨祿鹽課

則揚州魯保蘆政則沿江邢隆棋布千里間所至若捕叛亡

公行攘奪而增尤甚

明史李三才傳才事詳宦蹟志

三

四十二年常洵奏乞江都至太平沿江荻洲雜稅以自益

明史神宗

諸子傳時常

洵就藩洛陽

熹宗天啟七年七月揚州立沾恩祠

紀事本末七十一宋祠爲魏忠賢建從明史周黨

傳編人

此年

淮揚巡鹽許其孝等建祠揚州將上梁而熹宗哀詔至既哀

臨釋絳易吉相率往拜

明史閣黨傳

莊烈帝崇禎十年九月丁卯張獻忠掠儀真命中官劉元斌盧

九德赴援

明史藁莊烈帝紀一

獻忠自襄陽順流東下與江北賊賀一龍賀錦等合烽火達

淮揚

明史流賊傳

十七年四月馬士英送福王至儀真

明史史可法傳

北都既陷南都議立君張慎言等曰福王由松倫序當立而

有七不可貪淫酗酒不孝虐下不讀書干預有司路王常澆

神宗姪也賢明當立移牒可法可法亦以爲然而士英已與

黃得功劉良佐劉澤清高傑發兵送福王至儀真

同上

福王稱帝於南京以史可法督師江北

御批通鑑輯覽福王紀

分淮揚鳳廬爲四鎮以黃得功劉良佐劉澤清高傑領之

同上

時議分江北爲四鎮劉澤清轄淮海駐淮北經理山東一路

高傑轄徐泗駐泗水經理開歸一路劉良佐轄鳳壽駐臨淮

經理陳杞一路黃得功轄滁和駐廬州經理光固一路仍進

得功靖南侯封傑興平伯澤清東平伯良佐廣昌伯時得功

澤清傑爭欲駐揚州傑先至固欲入城揚州民畏傑不納傑

攻城急日掠邨廂婦女民益惡之知府馬鳴騷推官湯來賀

堅守月餘

進士鄭元勳家城中身詣傑營責以大義傑頗感悟爲飲兵五里外城西北得暫啟門以通薪而守

城者負約數以矢石中傑兵傑兵
復進揚人競疑元勳逼傑遂遇害
傑知不可攻意稍息而澤

清亦大掠淮上臨淮不納良佐軍亦被攻王命可法往解得

功良佐澤清皆聽命乃詣傑傑素憚可法夜掘坎十百埋暴

骸旦日謁可法帳中詞色俱變汗浹背可法坦懷待之接偏

裨以溫語傑大喜過望然亦自是易可法用己甲士防衛文

檄必取視而後行可法夸然爲具疏屯其衆於瓜洲渡傑又

大喜可法乃開府揚州
同上 祁彪佳巡撫江南時高傑駐瓜

洲跋扈甚彪佳尅期往會至期風大作傑意彪佳必無來彪

佳攜數卒衝風渡傑大駭異盡撤兵衛會彪佳於大觀樓彪

佳披肝膈勉以忠義共獎王室傑感歎曰傑閩人多矣如公

傑甘爲死公一日在吳傑一日遵公約矣共飯而別

明史彪
佳本傳

萬元吉以四鎮不和奉詔宣諭發萬金犒高傑於揚州

明史元
吉本傳

九月黃得功趨揚州高傑以兵襲儀真不克

通鑑輯覽
福王紀

初史可法置得功儀真與傑陰相牽制及是登萊總兵黃蜚

將之任蜚與得功同姓稱兄弟移書請兵備非常得功率騎

三百由揚州往高郵迎之傑素忌得功又疑圖已乃伏精卒

道中邀擊之得功行至土橋方作食伏起出不意上馬舉鐵

鞭飛矢雨集馬踣騰他騎馳有驍騎舞槊直前得功大呼反

鬪挾其槩而扶之人馬皆糜復殺數十人跳入頽垣中哮聲

如雷追者不敢進遂疾馳至其軍得免方鬪時傑潛師擣儀

真得功兵頗傷而所俱行三百騎皆沒遂訴於南京願與傑
決一死戰命太監盧九德及可法遣監軍萬元吉和解之不
可會得功有母喪可法往弔語之曰土橋之役無智愚皆知
傑不義今將軍以國故捐盛怒而歸曲於高是將軍收大名
於天下也得功色稍和終以所殺亡多爲恨可法令傑償其
馬復出千金爲母贖得功不得已聽之

同上

史可法遣諸將分守要地高傑移駐徐州

同上

初可法出巡淮安閱劉澤清士馬返揚州請餉爲進取資馬
士英斬不發可法疏趣之因言今事勢更非昔比必專主討
賊復贍舍籌兵籌餉無議論舍治兵治餉無人才優旨褒答

而不能行至是可法議分布諸將奏請以總兵李成棟鎮徐州賀大成鎮揚州王之綱鎮河南李本身胡茂楨隸高傑麾下爲前鋒而令劉肇基駐高家集李棲鳳駐睢寧以防河用張天祿爲閣標前鋒駐瓜洲高傑故跋扈可法日以君臣大義曉示之傑感其忠奉約束可法因與謀恢復議調黃得功劉澤清二鎮赴邳宿防河傑自提兵直趨開歸且瞰宛洛荆襄以爲根本傑遂具疏上之且曰得功與臣介介前事臣知報君雪耻而已安能與同列較短長哉然得功終不欲爲傑後勁而澤清尤狡橫難任可法不得已乃移得功廬州以防桐皖調劉良佐赴邳徐進復黃汝與傑相聲援傑遂帥兵移

鎮徐州同上

福王宏光元年春正月總兵許定國誘殺高傑以衛允文爲兵部侍郎總督開歸防剿軍務尋撤兵回揚州同上

黃得功聞傑死復引兵襲揚州將盡殺其妻子以報史可法

急命同知曲從直諭解之乃引兵去

同上 案明史得功傳傑死將士妻子尙留揚

州得功謀襲之朝廷急遣盧九德諭止得功遂移鎮廬州據輯覽則得功先已移鎮疑史傳誤

黃得功字

虎山開原衛人起行伍封靖南侯開閩儀真時高傑在揚州

縱兵毒掠獨不敢入儀真境人賴以安每戰必先飲酒數升

大呼裂眦入重圍如無人戰罷歸猶揮刀不釋手卽親從無

敢近御卒巖居民皆安堵待士尤有禮會左夢庚叛移蕪湖

以退之金陵不守得功志在連兵方臨陣劉良佐先已降此句

以原文未明參誘與語箚貫其喉自刎死葬青山儀徵縣志

明史本傳改傳云得功死其妻亦自經得功忠義出天性所至人感其德廬州桐城定遠皆爲立生祠死葬儀徵方山毋墓側

四月我

大清兵克揚州明督師兵部尙書兼大學士史可法等死之通鑑

福王紀

可法初聞大兵日南下將移軍泗州防護祖陵輜重已發

而左良玉稱兵召之入援渡江抵燕子磯黃得功已破良玉

軍可法乃趨天長檄諸將救盱眙報盱眙已降援將侯方

巖敗歿可法奔還揚州訛傳許定國兵將至殲高氏部曲城

中人悉斬闕出舟楫一空可法檄各鎮兵無一至者獨總兵

劉肇基自白洋河趨赴請背城一戰可法持不許十八日

明史

史可法傳作二十日

兵大至屯斑竹園招諭可法及衛允文等降不

從明日總兵李樓鳳監軍副使高岐鳳拔營出城降城中軍

益單文武分陣拒守越二日大兵薄城下用巨礮擊西北

隅城遂破

明史蔡云二十五日城破

可法自刎不殊一叅將擁出小東門

既就執可法大呼曰我史督師也乃殺之劉肇基率所部四

百人巷戰力不支與副將乙那才馬應魁莊子固汪思誠等

皆死衛允文及在籍侍郎張伯鯨知府任民育同知曲從直

王纘爵知縣周志畏羅伏龍吳道正運使楊振熙縣丞王志

端幕客盧渭歸昭等皆死之員外郎何剛庶吉士吳爾撫皆

參可法軍事城破亦投井死其他諸生高孝纘王士秀王纘

王績王纘又武生戴之藩醫者陳天拔畫士陸愉義兵張有

德市民馮應昌舟子徐某及婦女死節者不可勝紀

同上案思誠

字純一貴池人伏龍新喻人道正餘姚人振熙臨海人志端

李豐人並具明史葉史可法傳餘詳後 乙酉錄云二十四日

督鎮史可法從白洋河失守跟踉奔揚州閉城禦敵至二十

四日命諸將分陣拒守次早督鎮牌諭至內有一人當之不

果百姓之語聞者莫不感泣又傳巡軍小捷或曰靖南侯援

兵至旋觀城土守城者尙嚴整不亂忽數十騎自北而南勢

如波湧中擁一人則督鎮也蓋奔東城外兵遇不能出欲奔

南關故由北是時始知 大兵已入城矣一騎撤繩後步仰

面哀號馬前二卒依依嚙首至今猶在目恨未傳其姓字也

騎稍遠守城丁紛紛下竄悉棄背投戈致有碎首折脛者因

視城牆已一空矣 池北偶談云康熙二十年吳江吳兆騫

自寧古塔歸京師駐防將軍安某者老將也語之曰子歸可

語史館諸君昔富王帥下江南破揚州時吾親見一官人
戴中衣策騎一驢詣軍營自云我史闕部也親王引與生勦
之降以洪承疇爲比史搖首云我來只辦一死但慮死不明
白耳王百方勸諭終不從乃就死此吾所目擊者史書不可
屈此

史可法字憲之大興人

史云群符人

母尹氏有娠夢文天

禛入其舍生可法崇禎元年成進士累遷戶部右侍郎總督
漕運拜南京兵部尙書十七年四月間李自成陷京城大慟
頭觸柱血流被體縞衣發喪欲長驅死賊及福王立馬士英
擁兵入可法知勢不兩立請督師淮揚加太子太保兵部尙
書武英殿大學士時高傑兵駐揚州被淫掠死者無算可法
具疏以瓜洲城屯其眾揚州以安可法遂開府揚州闢禮賢
館招四方才智悉任用之屢疏請餉士英靳不發每疏請討

賊復警聲淚俱下扼於馬阮獲報而已次年四月左良玉東
下王手書召可法入授卽日發兵渡江抵燕子磯聞良玉已
敗乃令速還抵天長一日夜奔揚州檄召各鎮兵無一至者
二十日 大兵至李樓鳳高岐鳳出降城中勢益孤諸文武
分陣拒守舊城西門最險要可法自守之作書寄母妻爲訣
以無子命副將史得威爲之後越二日城破可法自刎不死
命得威刃之得威痛哭不敢仰視一叅將擁出小東門爲我
兵所執可法大呼曰我史督師也可速殺我勸之降不從遂
殺之幕客胡如理盧渭等皆從死

雍正志

江都志云可法

既死養子得威尋其屍不

得招魂葬衣冠於梅花嶺

葛崙文集云閣部弟可模早世

其妻李爲閣部夫人胞妹隨閣部官江南偕閣部夫人事太

夫人戊子歲浙人厲伯韶貌似關部冒其名集亡命反巢縣陷無爲州江南提督擒之遣至金陵二條巷召三婦識認斥其妾而李爲勢豪所窺囑客造門願求入夫人爲室太夫人曰吾家世守禮堂再醮兩兒一忠一孝兩寡媳久不欲生以吾在暫活耳李聞之大聲曰此言何爲乎來關部夫人曰爾生子死乎李曰我不生亦不死入室久之客以爲事請有頃聞哭聲一婢捧盤出曰可將去客觀之則一髮髻二耳一鼻客惶恐躍馬歸此非揚事以有冒公名一節故從附錄忠

正書并錄於此家書云恭候太太楊太太夫人萬安北兵於十八日圍揚城至今尙未攻打然人心已去收拾不來某早晚必死不知夫人肯隨我去否如此世界生亦無益不如早早決斷也太太苦惱須託四太爺大爺三哥大家照管兒好及隨他罷了書至此肝腸寸斷矣四月廿一日某寄先是

大兵至江南容親王多爾袞令副將韓拱薇等齎書致可法曰予向在藩陽卽知燕京物望咸推司馬後入關破敵得與都人士相接識介弟於情班曾託其手泐平安奉致衷緒未審以何時得達比聞道路紛紛多謂金陵有自立者夫君父之讐不共戴天春秋之義有賊不討則故君不得書葬新君不得書卽位所以防亂臣賊子法至嚴也聞賊李自成稱兵犯關手毒君親中國臣民不聞加遺一矢平西王吳三桂

介在東陲獨抱包胥之哭

朝廷感其忠義念累世之宿好棄近日之小嫌爰登魏豹驅除
狗鼠入京之日首崇懷宗帝后謚號卜葬山陵悉如典禮親
郡王將軍以下一仍故封不加改削勳戚文武諸臣咸在朝
列恩禮有加耕市不驚秋豪無擾方擬秋高氣爽遣將西征
傳檄江南聯兵河朔陳師鞠旅戮力同心報乃君國之警彰
我

朝廷之德豈意南州諸君子苟安旦夕弗審事機聊慕虛名頓
忘實害予甚惑之

國家之無定燕都乃得之於闖賊非取之於明朝也賊毀明朝
之廟主辱及先人我

國家不憚征繕之勞悉索敎賦代爲雪耻孝子仁人當如何感
思圖報茲乃乘逆寇稽誅王師暫息遂欲雄據江南坐享漁
人之利按諸情理豈可謂平將以爲天塹不能飛渡投鞭不
足斷流耶夫闖賊但爲明朝崇耳未嘗得罪於我

國家也徒以薄海同誓特申大義今若擁號稱尊便是天有二
日儼爲勃敵予將簡西行之銳轉旆東征且擬釋彼重誅命
爲前導夫以中華全力受制潢池而欲以江左一隅兼支大
國勝負之數無待著龜矣予聞君子之愛人也以德細人則
以姑息諸君子果識時知命篤念故主厚愛賢王宜勸令削

號歸藩永稔福祿

朝廷當待以虞賓統承禮物帶礪山河位在諸侯王上庶不負
朝廷伸義討賊英威繼絕之初心至南州羣彥翩然來儀則爾
公爾侯列爵分土有平西之典例在推執事實圖利之輓近
士大夫好高樹名義而不顧國家之急每有大事輒同築舍
昔宋人議論未定兵已渡河可爲殷鑒先生領袖名流主持
至計必能深維終始寧隨俗浮沈取舍從違應早審定兵行
在即河西可東南國安危在此一舉願諸君子同以討賊爲
心毋貪一身瞬息之榮而重故國無窮之禍爲亂臣賊子所
笑予實有厚望焉記有之惟善人能受盡言敬布腹心竹聞
明教江天在望延跋爲勞書不宜意可法答書云南中向接
好百法隨遣使問訊吳大將軍未敢遽通左右非委隆誼於
草莽也誠以大夫無私交春秋之義今倥偬之際忽捧琬口
之章真不啻從天而降也循讀再三殷殷至意若以逆賊尙

稽天討煩

貴國憂法且感且愧懼左右不察謂南中臣民媿安江左竟忘
君父之怨敬爲

貴國一詳陳之我大行皇帝敬天法祖勤政愛民真堯舜之主
也以庸臣誤國致有三月十九日之事法待罪南樞救援無
及師次淮上凶問遂來地坼天崩山枯海泣嗟乎人孰無君

雖肆法於市朝以爲泄泄者之戒亦奚足謝先皇帝於地下哉爾時南中臣民哀慟如喪考妣無不拊膺切齒欲悉東南之甲立爲兇讐而二三老臣謂國破君亡宗社爲重相與迎立今上以繫中外之心今上非他神宗之孫光宗猶子而大行皇帝之兒也名正言順天與人歸五月朔日駕臨南都萬姓夾道歡呼聲聞數里羣臣勸進今上悲不自勝讓再讓三僅允監國迨臣民伏閣屢請始以十五日正位南都從前鳳集河清瑞應非一卽告廟之日紫雲如蓋祝文升霄萬目共瞻欣傳盛事大江湧出柁梓數十萬章助修宮殿豈非天意也哉越數日遂命法視師江北刻日西征忽傳我大將吳三

桂借兵

貴國破走逆成爲我先皇帝后發喪成禮掃清官闕撫輯羣黎且罷雜髮之令示不忘本朝此等舉動擬古鑠今凡爲大明臣子無不長跼北向頂禮加額豈但如明論所云感恩圖報已乎謹於八月薄治筐篚遣使犒師兼欲請命鴻裁連兵西討是以王師旣發復次江淮乃辱明誨引容秋大義來相詰責善哉乎推言之然此又爲列國君薨世子應立有賊未討不忍死其君者立說耳若夫天下共主身徇社稷青宮皇子慘變非常而猶拘牽不卽位之文坐昧大一統之義中原鼎沸倉猝出師將何以維繫人心號召忠義紫陽綱目踵事春

秋其間特書如莽移漢鼎光武中興不廢山陽昭烈踐阼懷
愍亡國晉元嗣基徽欽蒙塵宋高繼統是皆於國誓未蕩之
日亟正位號綱目未嘗斥爲自立率以正統與之甚至如元
宗幸蜀太子即位靈武議者疵之亦未嘗不許以行權幸其
光復舊物也本朝傳世十六正統相承自治冠帶之旂繼絕
存亡仁恩遐被

貴國昔在先朝夙膺封號載在盟府寧不聞乎今痛心本朝之
難驅除亂逆可謂大義復著於春秋矣昔契丹和宋止歲輸
以金結回紇助唐原不利其土地況

貴國篤念世好兵以義動萬代瞻仰在此一舉若乃乘我蒙難
棄好崇讐規此幅員爲德不卒是以義始而以利終爲賊人
所竊笑也

貴國豈其然往先帝軫念潢池不忍盡戮剿撫互用貽誤至今
今上天縱英明刻刻以復讐爲念廟堂之上和衷體國介冑
之士飲泣枕戈忠義民兵願爲國死竊以爲天亡逆讐當不
越於斯時矣語曰樹德務滋除惡務盡今逆成未厭天誅謀
知捲土西秦方圖報復此不獨本朝不共戴天之恨抑亦
貴國除惡未盡之憂伏乞堅同讐之誼全始終之德合師進討
問罪秦中共梟逆賊之頭以泄敷天之憤則

貴國義問焯耀千秋本朝圖報惟力是視從此兩國世通盟好

傳之無窮不亦休乎至於牛耳之盟則本朝使臣久已在道不日抵燕奉盤盂從事矣法北望陵廟無涕可揮身蹈大戮罪應萬死所以不卽從先帝者實爲社稷之故傳曰竭股肱之力繼之以忠貞法今日鞠躬致命克盡臣節所以報也惟殿下賁

昭鑒之

劉肇基字鼎維遼東人以世職累遷都督同知福

王立史可法督師淮揚肇基請從征自効加太子太保大

兵抵揚州可法檄諸將赴援獨肇基自白洋河趨赴過高郵

不見妻子旣入城請乘大兵未集背城一戰可法持重肇

基乃分守北門已而城破率所部四百人巷戰力不支一軍

皆沒副將乙邦才自刎馬應魁披白甲大書盡忠報國四字

於背戰死莊子固屯徐州歸德間募壯士七百人以赤心報

國爲號聞揚州被圍率眾馳三日而至城將破欲據可法出

城遇 大兵格鬥死他若副將樓挺江雲龍李豫參將陶國

祚許謹馮國用陳光玉李隆徐純仁遊擊李大忠孫開忠都

司姚懷龍解學會等皆以巷戰死

明史鞏基本傳 柔乙那才青州人馬應魁字守卿

貴池人莊子固字憲伯遼東人事蹟並具鞏基傳以非揚事故不錄

任民育字厚生濟寧州

人史可法督師揚州舉民育知府事未幾高傑黃得功爭揚州戰城外軍中失得功可法將攻傑民育力言不可乃止翼日知得功閉道歸營其斷大事皆此類 天兵大至民育乘城守禦日夜募嚴會天雨城圯遂入之民育緋衣坐堂上

大兵至諭降民育不可飲刃死揚人間之皆泣下先一日星隕於署櫪馬皆驚民育自分必死散遣諸妾惟寡女適劉氏

者與一女留署中至是俱縊死幕客陳美僕聞道等五人皆

從死妾姚氏本揚人投水死民育畢命處在太守廳事西偏

血凝碧陰雨猶彷彿可見

漁洋山人文略 江都志云民育左右從人皆奔散獨吏陸某侍民

育死亦自縊

曲從直遼東人與其子守東門城破俱死

明史董史可法

傳

王纘爵字佑中鄞縣人以通判攝溧水縣剛直忤上官

自投劾歸史可法督師江北起爲監軍道一日可法謂爾書

生不耐兵事吾當爲奏補京職纘爵曰下官世受國恩無以

爲報今願從明公死不願從馬阮生也可法斂容謝之及揚

城破從可法死焉

康熙志 全祖望鮑塘亭外集云公一子兆秀有異才以父之殉於揚也不忍家居

終身躑躅蜀岡卬溝之上遂以野死君子哀之

周志畏字抑畏鄞縣人進士知江

邠時揚州鎮帥死兵無所統多暴橫凌志畏志畏不爲屈撓
取其中害民者置以法兵大譟謀劫志畏廷議朝飲縣督師
史可法欲倚爲佐慰留之 大兵略地至揚州可法守西門
志畏守小東門躬被甲宿敵樓夜不交睫有勦之降者索印
不付西門啟兵入執志畏擁至南郭福緣庵刃之於水志畏
平時常以小鏡置懷中至是死數日無知者一僕行覓主見
屍水上識其衣啟視鏡故在哭殮焉

汪懋麟悟
桐岡集

盧渭字渭

生長洲諸生居禮賢館久可法才渭渭方歲貢當得官不受
職而擬授崑山歸昭等二十餘人爲通判推官知縣甫二旬

城陷渭堅守鈔關投於河昭死西門從死者十七人

明史史
可法傳

何剛字愨人上海人崇禎三年舉於鄉擢職方主事募兵

金華剛出都都城陷馳還南京剛友陳子龍夏友葵募卒二

千人令剛統之尋進員外郎以其兵隸史可法可法大喜得

剛剛亦喜遇知已士英惡之出剛遵義知府可法垂涕日子

去吾誰仗剛亦泣願死生無相背踰月揚州被圍佐可法拒

守城破投井死

明史史
可法傳

吳爾壘崇德人

舊志云字介子
浙江石門人進

士授庶吉士京師陷降於賊賊敗南還謁可法請從軍贖罪

可法遂留參軍事父之屏方督學福建爾壘斷一指畀故人

祝淵曰君歸語我父母悉出私財畀我餉軍我他日不歸以

指葬可也後守揚州新城亦投井死

明史葉史
可法傳

談三傑廣

平人賈生授揚州庫大使 大兵至揚三傑分守北門城陷

易公服謂太守任民育曰公死城微員死庫遂與守同死其

子生員大剛與僕天喜人衡從死

江都縣志

劉夫人失其姓總

兵劉肇基妻肇基提兵赴宿遷留眷屬高郵夫人與訣曰設有急君以死報國吾必以死報君及肇基奉檄援揚州以巷

戰死夫人聞信卽自縊

高郵州志

國朝

世祖章皇帝順治十六年海賊至瓜洲

事見賈質傳詳下

賈質大興人官江南操江管遊擊十六年海賊入犯分汛瓜

洲力戰而死

贈參將官其子宗誼

徵補通志

廣陵事略卷之七

歸安姚文田輯

祥異

附按志乘之紀五行所以使司牧者察庶徵慎人事也舊志以附星野既爲不類采輯史文又多牽合或非

其地今釐正之

載事略之後

漢

文帝五年吳暴風雨壞城官府民室

漢書五行志下之上、宋史紀景帝五年江都

大暴風從西方來壞城十二丈漢書不載疑與此一事而志譌景帝爲文帝遂以爲漚反之應

十二年有馬生角於吳角在耳前上鄉右角長三寸左角長二

寸皆大二寸

同上

桓帝元嘉二年七月日有食之在翼四度史官不見廣陵以聞

後漢書
天文志

晉

武帝咸寧元年五月廣陵大風壞千餘家折樹木其月甲申大

風折木

晉書五
行志下

孝武帝太元十三年四月廣陵高年閭嵩家雌雞生無右翅

晉書

五行
志上

安帝義熙五年九月廣陵雨雹

晉書五
行志下

宋

文帝元嘉十年十二月營城縣民成公會之於廣陵高郵界獲

白麋鹿以獻

宋書符
瑞志中

十八年六月甘露降廣陵孟玉秀家樹南充州刺史臨川王彥

慶以聞

同上

十九年五月海陵王文秀獲白鳥南充州刺史臨川王彥慶以

獻

宋書符璫志下

二十一年白燕見廣陵南充州刺史廣陵王誕以獻

同上

二十五年五月廣陵太守范逸上言所領輿縣前有大浦控引潮流水常淤濁自比以來源流清潔纖鱗呈形古老相傳以爲

休瑞

同上

八月白燕見廣陵城南兖州刺史徐湛之以聞

同上

廣陵有龍白湖中升天百姓皆見

宋書符璫志中

二十八年七月嘉禾生廣陵邵伯埭南充州刺史江夏王義恭

以聞

宋書符瑞志下

孝武孝建三年六月白麀見廣陵南兖州以獻

宋書符瑞志中

大明二年三月白雉雌雄各一見海陵南兖州刺史竟陵王誕

以獻

宋書符瑞志下

三年五月十九日夜有流星大如斗杆尾長十餘丈從西北來

墜城內是謂天狗占曰天狗所在下有伏尸流血七月廣陵城

陷殺男女三千餘人是日雲霧晦暝白虹臨北門亘屬城內

宋書

竟陵王

誕傳

四年南兖州大水

宋書五行志四

五月白雀見廣陵侍中顏師伯以

獻

宋書符瑞志下

齊

武帝永明十一年廣陵海陵縣獲白麀

南齊書
祥瑞志

永明中有麀

人廣陵城投井而死又有象至廣陵是後刺史安陸王子敬於

鎮被害

南齊書
五行志

梁

武帝普通五年六月龍關於曲阿王陂因西行至建陵城所經

之處樹木皆拆開數十丈

隋書五
行志下

大同三年九月南兗州大饑

梁書武
帝紀

廣業郡有嘉禾生改爲

神農郡

隋書地理志下

案梁書帝紀載生嘉禾者三無高郵
生禾之事疑因事命名不必定在高郵以舊志所有姑

存之

陳

宣帝太建十一年正月龍見南充州永寧樓側池中

陳書宣帝紀

隋

煬帝大業十三年江都宮城諸殿屋鴟尾上鐵索為鳥鳥銜拔

自淮及江東西數百里水絕無魚

雍正志

五月辛亥夜有流星

如瓊墜於江都占曰其下有兵戰流血破軍殺將

隋書天文志案楊

帝紀作辛卯日以下甲子丙寅推之知紀誤也

十一月有石自江浮入於楊子

隋書五行

志

殷馬無故而死旬日死至數百匹

同上

唐

高祖武德七年河間王孝恭征輔公祏宴羣帥於舟中以金筯

酌江水將飲之化爲血

新唐書
五行志

太宗貞觀八年七月江淮大水

同上

高宗總章元年江淮大旱

同上

武后垂拱元年九月淮南地生毛或白或蒼長者尺餘過居人

牀下揚州尤甚大如馬鬣焚之臭如燎毛占曰兵起民不安

同上

大足元年七月揚州地震

同上

元宗開元三年有熊羆入揚州城

同上

七年閏七月揚州奏一角獸見

雍正
志

九年七月揚州暴風雨發屋拔木

新唐書
五行志

十九年揚州穠稻生

新唐書
元宗紀

天寶十載廣陵大風駕海潮沈江船數千艘

新唐書
五行志

肅宗上元二年有鬻聚於揚州城門上鬻介物兵象也

同上

三年楚州刺史崔旆獻寶玉十三枚一曰元黃天符如笏長八寸濶三寸上圓下方近圓有孔黃玉也二曰玉雞毛文悉備白玉也三曰穀璧白玉也徑可五六寸其文粟粒無雕鑄之迹四曰西王母白環二枚白玉也徑六七寸五曰碧色寶圓而有光六曰如意寶珠圓如雞卵光如月七曰紅靺鞨大如巨粟赤如櫻桃八曰琅玕珠二枚長一寸九分九日玉玦形如玉環四分缺一十日玉印大如半手斜長理如鹿形陷入印中以印物則鹿形著焉十一曰皇后采桑鈎長五六寸細如筋屈其末似真

金又似銀十二日雷公石斧長四寸濶二寸無孔細緻如青玉

十三原凡十三寶置之日中皆白氣連天仇表云楚州寺尼真

如者恍惚上昇見天帝授以十三寶曰中國有災宜以第二寶

鎮之詔曰上天降寶獻自楚州因以體元叶乎五紀其元年宜

改爲寶應

舊唐書
肅宗紀

代宗大厯中高郵人張存獲藕中劍

雍正志 州志存於陝中
見早藕稍大如臂異而掘

之深二尺大至合抱不可窮乃中斷之
得一劍長三尺色青無刃且藕無絲

德宗貞元二年六月江溢

新唐書
五行志

三年十月揚州大水漂民廬舍

舊唐書德宗紀 案
此事新唐書在五月

四年四月淮南地生毛

新唐書
五行志

六年揚州大旱井泉竭

同上

七年揚楚州旱

同上

八年江淮大水漂沒城郭廬舍

同上

憲宗元和七年揚州旱

同上

文宗太和四年十一月海陵火

同上

七年揚楚大水害稼

同上

八年三月揚州火燔民舍千區十月復火燔民舍數千區

同上

開成元年六月揚州民明齊家馬生角長一寸三分

同上

二年夏旱運河竭

同上

五年夏螟蝗害稼

同上

十二月晦揚州市火燔民舍數千家

同上

宣宗大中六年夏淮南饑海陵高郵民於官河中漉得異米號

聖米

同上

九年秋淮南饑

同上

懿宗咸通二年秋淮南不雨至於明年

同上

七年江淮大溢

同上

僖宗乾符六年二月泰州管內四縣生聖米大如芡實

雍王志

光啟元年揚州府署門屋自壞故隋之行臺門也

新唐書五行志

是

年淮南蝗自西來行而不飛浮水緣城入揚州府署竹樹幢節

一夕如剪幡幟畫像皆齧去其首摸不能止旬日自相食盡

同上

二年四月有白氣頭黑如髮自東南入於揚州滅白者駭祥也

同 九月有大星隕於揚州府署延和閣前聲如雷光炎燭地

新唐書 是年揚州雨魚 新唐書

天文志 五行志

三年揚州大饑米斗萬錢

同上

昭宗大順二年春大饑大疫死者十三四

同上

南唐

烈祖昇元六年正月東都火焚數千家

陸游南唐書烈祖紀

後周

世宗顯德六年宋太祖從征淮南戰於江亭有龍自水中奮躍

宋史五行志

宋

太祖乾德二年五月揚州暴風壞軍營舍百區六月暴風壞軍

營及城上敵棚

宋史五行志五

七月泰州潮水漲壞居民廬舍數百

區溺牛畜甚衆

宋史五行志一上

三年七月泰州潮水害民田

同上

四年四月揚子等縣潮水害民田

同上

開寶元年七月泰州潮水害稼

同上

太宗太平興國四年泰州雨水害稼

同上

五年水潦民饑

宋史五行志五

九年揚子縣民妻生男毛被體半寸餘面長頂高烏肩眉毛盛

密近髮際有毛兩道軟長眉紫唇紅耳厚鼻大類西域僧至三

歲畫圖以獻

宋史五行志一下 案是年已改雍熙當作雍熙元年

雍熙二年冬江水冰

同上

淳化三年十二月建安軍城西火燔民舍官廨等殆盡

宋史五行志二

上

五年饑

宋史五行志五

真宗咸平二年海陵縣麥秀二三穗

宋史五行志二下

六年二月淮南水災

宋史真宗紀二

景德二年九月淮南旱

同上

大中祥符元年高郵軍民王言妻產四男

宋史五行志一下

三年淮南旱

宋史真宗紀二

四年十一月楚泰州湖水害田人多溺者宋史五行志一上

五年淮南饑李蕪長編七十九

六年二月泰州言海陵草中生聖米可濟飢宋史真宗紀三

七年淮南饑同上

仁宗天聖五年三月泰州地震宋史五行志五

六年七月揚真州江水溢壞官私廬舍宋史五行志一上

寶元二年六月旱蝗宋史五行志一下

皇祐三年十二月泰州獲白兔宋史五行志四

嘉祐六年七月淫雨爲災宋史五行志三上 嘉祐中高郵縣社湖神

珠見沈括筆談

英宗治平元年高郵軍大水

宋史英宗紀一

神宗熙寧四年六月泰州獲白兔

宋史五行志四

六年淮南饑

宋史五行志五

七年淮南久旱

宋史五行志四

八年八月旱

同上

熙寧中淮西連歲蝗旱居民艱食通泰農田

中生菌被野飢民得以采食

王闢之澠水燕談

元豐二年寶應產靈芝五莖因建橋曰瑞芝

雍正志

四年七月泰州海風駕大雨漂沒州城壞公私舍數千楹

宋史五行

三志

七年揚州地藏寺殿後牡丹一莖五色

雍正志

八年八月淮南水災

宋史哲宗紀一

哲宗元祐四年高郵產嘉禾雙蓮駢瓜等瑞物凡十有一時連

歲大稔

雍正志

八年四月雨至八月晝夜不息淮南大水

宋史五行志一上

紹聖元年淮南軍禾一本九穗

雍正志

元符元年八月高郵軍蝗抱草死

宋史五行志一下

徽宗崇寧元年淮南蝗

宋史徽宗紀一

四年泰州禾生穧

宋史徽宗紀二

大觀二年淮南大旱自六月不雨至於十月

宋史五行志四

政和元年旱

同上

五年六月泰州軍獲白兔

同上

重和元年夏江淮大水

宋史五行志一上

五年淮南饑

宋史五行志五 案重和無五年以帝紀考之當是宣和之誤

宣和元年秋旱

宋史五行志四

六年發運使開靖安河禱於神有異蛇見筵間鱗采絢錯

儀徵縣志

高宗建炎二年大蝗

宋史五行志一下

十一月高宗在揚州郊祀後

數日有狂人具衣冠執香爐攜絳囊拜於行宮門外自言天遣

我爲官家兒書於囊紙刻於右臂皆是語鞠之不得姓名高宗

以其狂釋不問

宋史五行志三

三年二月辛亥早朝有禽翠羽飛鳴行殿三匝一再止於宰相

汪伯彥朝冠

宋史五行
志二下

紹興元年饑淮南民流多殍死

宋史五行
志五

七年二月辛丑楚真揚州火

宋史五行
志二上

十一年饑

宋史五行
志五

十八年夏淮南旱

繫年要錄一
百三十九

二十八年九月大風水

宋史五行
志一上

三十二年六月蝗

宋史五行
志一下

孝宗乾道元年正月秦州火燔民舍幾盡

宋史五行
志二上

三年八月淫雨禾粟多腐

宋史五行
志三

淳熙二年秋旱真揚爲甚

宋史五行
志四

三年夏四月高郵郡園芍藥一枝五花郡守王詡以名其堂曰

豐瑞

雍正志

五年淮南旱

宋史五行志四

泰楚高郵黑鼠食禾既

宋史五行志三

六年楚州高郵軍旱

宋史五行志四

泰楚高郵軍大饑人食草木

宋史

五行志五

八年正月揚州火

宋史五行志二上

九年七月淮甸大蝗真揚泰州皆撲蝗五千斛

宋史五行志一下

十五年淮甸大雨水淮溢楚州高郵軍皆

舍田稼

宋史五行志一

上

十六年三月壬寅隕石於楚州寶應縣散如火甚臭履

宋史五行志一

下

揚州桑生瓜櫻桃生茄

宋史五行志三

五月霖雨

同上

光宗紹熙二年五月真揚泰楚高郵皆旱

宋史五行志四

七月高郵

縣蝗至於泰州

宋史五行志一下

三年揚州大旱

宋史五行志四

四年秋真州漕廩東池及東園並產瑞蓮

雍正志

五年五月泰州大水

宋史五行志一上

八月揚州獻白兔

宋史五行志四

寧宗慶元元年七月高郵旱飛蝗白凌塘至城皆抱草死其鬴

各有一蛆食之

高郵州志

六年揚楚泰州乏食

宋史五行志五

嘉泰元年兩淮旱

宋史寧宗紀二

開禧二年淮東饑

宋史五行志五

嘉定元年大疫

宋史五行志一下

真州產芝州民來獻適州守堂成

因名曰瑞芝

雍正志

二年兩淮大饑斗米錢數千人食草木淮民流於揚州者數千

家殍死日八九十人

宋史五行志五

八年蝗食禾苗山林草木皆盡

宋史五行志一下

理宗紹定四年揚州北三十二里招賢鄉有鳳凰來因各地曰

鳳凰林

雍正志

淳祐二年五月兩淮蝗

宋史五行志一下

十一年泰州風

宋史五行志五

度宗咸淳元年二月二日真州火二十五日丑刻火午刻復火

居民燬盡僅存客館及漕臺州治

雍正志

九年十一月有虎出揚州市毛徼黑

宋史五行志四

恭帝德祐元年揚州禁軍民毋得蓄犬城中殺犬數萬

同上

二年正月竇應縣民析薪中有天太下趙四字獻之制置使李

庭芝

宋史五行志三上 文文山集云予至真州苗守再成爲

視之果然其字青而深半樹解揚州

揚州饑民相食

宋史五行志四

元

世祖至元十七年三月高郵等處饑

元史世祖紀八

十八年三月揚州火

同上 案五行志作二月

四月泰州饑

同上

二十二年揚州進芝草

元史世祖紀十

高郵大水漂人民廬舍

元史五行

志

二十六年兩淮屯田雨雹害稼

元史世祖紀十二

二十九年揚州大水

元史世祖紀十四

成宗大德元年揚州旱

元史成宗紀二

十月揚州饑

同上

二年十二月揚州路旱蝗

同上

三年七月揚州屬縣蝗在地者爲鷲啄食飛者以翅擊死詔勿

捕鷲

元史成宗紀三

八月揚州饑

元史五行志成宗紀作十二月

九月揚州旱

元史成宗紀三

四年三月高郵府寶應縣民孫奕妻朱氏一產三男

同上

五月

揚州旱蝗

同上

五年七月朔晝晦暴風起東北雨雹兼發江湖泛溢東起通泰
崇明西盡真州民被災死者不可勝計

同上

八月江都興化等

縣蝗

元史五行志

高郵揚州蝗泰州揚州高郵旱

同上

六年五月揚州路蝗

同上

九年六月通泰蝗

同上

八月揚州饑

同上

十年十一月揚州饑

同上

武宗至大元年八月揚州蝗

元史武宗紀一

二年揚州高郵蝗

同上

仁宗延祐二年二月真州揚子縣火

元史仁宗紀二案五行志作元年

六年四月揚州火燬官民廨舍二萬三千三百餘區宏簡錄仁宗紀案

五行志作一萬九月揚州路饑元史仁宗紀三

七年六月高郵水元史英宗紀一

英宗至治元年五月高郵旱同上七月江都縣蝗元史五行志英宗紀作

八月高郵興化縣水元史英宗紀一

二年四月揚州真州火元史五行志六月揚州屬縣旱元史英宗紀二

三年九月揚州屬饑元史泰定帝紀一十月揚州江都火燔四百七

十餘家同上案五行志作九月

泰定元年六月揚州路旱同上

二年五月高郵興化水元史五行志

三年五月揚州屬縣官田水

元史索
定紀二

七月高郵蝗

元史五
行志

九月揚州屬縣水

元史索
定紀二

四年正月揚州路饑

同上

四月揚州屬縣饑

同上

大風海溢

正

志

文宗天曆二年興化寶應水沒民田

同上

至順元年二月揚州饑

元史文
宗紀三

高郵寶應興化等縣水江都

雨害稼

元史五
行志

七月揚州路蝗

元史文
宗紀三

三年五月揚州江都縣水

元史文
宗紀五

八月江水溢高郵之寶應

興化二縣

元史寧
宗紀

順帝元統元年兩淮旱民大饑

元史順
帝紀一

至元二年高郵大雨雹

元史順帝紀二

靈芝產於江都縣南一本九

莖

雍正志

至正元年六月泰州海溢

元史順帝紀三

二年八月揚子江水一夕忽竭舟楫皆滯泥塗江底出錢貨無

數蓋覆舟所沈者人爭取之累日復通流或曰此江嘴也

雍正志

十二年江淮蘆荻多爲旗鎗人馬之狀節間折開有紅暈成天

下太平四字

同上

十五年江淮間羣鼠叢擁如山過江東去

同上

十七年揚州城中屋址徧生白菜大者重十四五斤泰州海陵

縣民劉子彬親墓木生連理

同上

列

太祖洪武六年揚州饑

明史五行志三

十一年七月揚州海溢

明史太祖紀二

二十二年七月海潮壞捍海堰

雍正志

成祖永樂七年水

明史五行志一

九年正月高郵甓社等九湖及天長諸水暴漲六月揚州屬縣

江湖漲四日漂人畜甚衆

同上

二十一年揚州水

同上

宣宗宣德元年江都縣太和鄉獲白兔

雍正志

十年大饑

明史五行志三

英宗正統二年六月揚州大水

明史彙英宗紀

九年江湖漲溢高丈五六尺溺男女千餘人

明史五行志一

十一年江都縣上方寺產芝一本

雍正志

景帝景泰三年兩淮大水河決

明史稿景帝紀

五年五月揚州大雪竹木多凍死七月復大雪冰三尺海水亦

凍

雍正志

六月揚州潮決高郵寶應隄岸七月大水

明史五行志一

七年六月揚州大旱蝗

同上

英宗天順四年揚州民婦一產五男

同上

七年大雨腐二麥

明史五行志二

憲宗成化三年七月海溢壞堰六十九處

雍正志

六年秋至七年春揚州大旱運河竭

同上

九年沙溝碧獲白鬼

同上

十二年揚州大水

明史五行志一

十四年揚州地震

明史五行志三

十六年秋八月儀真縣黃氏井中火出高數丈

雍正志

十九年揚州饑

明史五行志三

孝宗宏治二年江都致仕知府馬岱宅產紫芝一本

雍正志

三年八月乙卯地震

明史五行志三

四年夏揚州蝗

明史五行志一

十一年揚州運司廳前古槐上烏產白雉毛羽鮮潔喙足皆紅

產正志

十七年江都縣民刁穆田產瑞麥寶應縣產瑞麥有至四五歧

者大學士楊一清作瑞麥歌紀之上

淮揚饑人相食

明史五行志三

十八年地震

同上

武宗正德元年正月朔揚州河水冰結成樹木花卉之狀民間

器皿內冰合有成牡丹花形者

產正志

三年雷擊郡學崇文閣四柱冬寒甚高郵河水冰結成樹木花

卉之形

同上

揚州饑

明史五行志三

七年饑真縣火燔民居數百家人多見飛鴉銜火

產正志

八年春三月饑真月宮菴桂樹生花

同上

九年淮揚旱

明史五
行志三

十三年揚州饑

同上

大雨彌月漂宇廬人皆無算

明史五
行志二

十四年揚州大風拔木江海溢數十丈深沒廬舍

雍正
志

淮揚

饑人相食

明史武
宗紀

十五年旱

明史五
行志三

世宗嘉靖元年七月揚州大風雨雹河水泛漲溺死人畜無算

明史五

行志一

二年七月揚州大水

同上

江都縣甘泉山葛氏塋域產五色芝

十餘本泰州大水民饑疫作

雍正
志

七年寶應縣開越河見二龍戲射陽湖中鱗角畢露時四面大

雨獨不及工所人咸異之

同上

八年六月飛蝗積者厚數寸長數十里食草木始盡數日飛渡

江食蘆荻亦盡八月蝗復自北來羣飛蔽天其積者綿亘百里

厚尺許山行者衣履皆黃禾稼不登

高郵州志

十一年秋儀真縣城南天火墜大如斗燔民舍及柴舟

雍正縣志

十三年儀真縣民鄧氏宅產芝一本三苞

同上

十五年興化沈氏新塋產嘉瓜一帶三官儀真縣蝻生知縣楊

孫仲翰民掘取積數百斛會運雨遂霽滅高郵旱蝗不為災知

州鄧誥作實豐亭

同上

有流火如斗南隕民田五月有白龍見

雲中

儀徵縣志

十八年閏七月海潮暴至溺死數千人

泰州志

十月雨木冰

儀徵志

儀徵志

二十一年七月蜀岡禪智寺產靈芝大莖

雍正志

儀真黑霧連

日至未不解氣屢穰逐人二十步外不能相見

儀徵志

二十五年六月興化縣五色雲見

雍正志

二十七年十月雨木冰

儀徵縣志

三十一年興化縣五色雲見

雍正志

三十二年饑

明史五行志三

三十三年揚州旱

同上

三十五年儀高寶泰俱大水興化縣仰止嗣生雙穗麥一本

雍正正

志

三月河變黑臭

儀徵縣志

三十六年春三月高郵州菊有花儀真縣產白芝

雍正志

三十七年七月江都縣有黑白二龍鬪於空中起西南折而東

大風晝晦星見所過折樹拔屋壞縣文廟西南角暨兩廡廟

門民家器皿窗扉及津渡木梁盤舞空中至百餘里外始墜

同上

九月興化縣慶雲見照池沼爛如錦綺

同上

四十年春大水平地水深數尺漂沒廬舍害田稼

儀徵縣志

四十四年正月雷電交作木冰

同上

四十五年四月大雷電雨雹

同上

穆宗隆慶元年秦州大稔升米三錢

雍正志

二年高郵地震

同上

三年興化有牛生犢眼出於頂尾生於鼻

同上

秋大水海潮溢

舟行城市溺死無算

泰州志

冬大雪簷冰長丈餘

儀徵縣志

神宗萬曆二年八月揚州河溢傷稼

明史五行志一

三年二月淮揚大水八月河決高郵

同上

四年高郵清水隄決

同上

五年閏八月淮河南徙決高郵寶應諸湖隄

同上

都御史潘季

馴塞寶應河隄決口以蛟龍宅其中鑿舟沈鐵夜有蛟作雷雨

化去浮蛻水面

雍正志

九月彗星見西南

泰州志

六年大水十二月雷

同上

七年大風拔木十一月大風壞漕舟民船千餘

儀徵縣志

八年洪水至

秦州志

九年滌海潮漲淹死無算

同上

十年十月大風壞漕舟民船數千艘

雍正志

淮揚海漲浸鹽場

三十淹死二千六百餘人

明史五行志一

十一年閏二月丁卯秦州寶應雨雹如雞子殺飛鳥無算

同上

夏旱大蝗有禿鷲海鴿飛而食之

雍正志

十二年十月地震

儀徵縣志

十三年二月丁未揚州地震江濤沸騰

明史五行志三

十月初六日

夜地震

雍正志

十七年十八年旱蝗相仍下河芟葑之田盡成赤地有黑鼠無
數穿地食芟葑根經野燒並爲灰土田多不耕而墾興化柴場
中忽生菌民多取以爲食

同上

十九年冬十月揚州湖淮漲溢決邵伯隄五十餘丈高郵南北

俱衝

明史五行志一

二十一年高郵寶應大水決湖隄

同上

二十五年揚州雨黑豆泰州雨粟雨毛

雍正志 案州志作二十四年

二十八年二月大雪兼雨雹

秦州志

二十九年二月二十九日將昏南方大雹并雪北方雲赤色

同上

三十六年儀真大水市可行舟

雍正志

四十三年二月己卯地震

明史五行志三

四十四年七月揚州蝗

明史五行志一

土鼠千萬成羣夜銜尾渡江

絡繹不絕幾一月方止

明史五行志二

四十五年旱蝗飛蔽天入民室牀帳皆滿

秦州志

四十六年夏旱蝗九月二十日黎明東南有白氣沖天日出不

見凡十餘日十一月彗星見東方下破軍星五尺光芒拂北斗

同上

熹宗天啟元年天寧寺烏巢生白鴉喙距皆赤

雍正志

三年十二月揚州地震是時儀真有男子衣五色紙衣論者以

爲服妖

同上

懷宗崇禎元年九月地震瓦屋動搖有聲

儀徵縣志

四年興化大水是年冬有民見春初所下穀種結實水中爭取

食之

雍正志

五年饑流殍載道

明史五行志三

六年游饑有夫婦雉經於樹及投河者

同上

七年江溢漂沒無算

儀徵縣志

十一年儀真城西地裂長數丈濶數尺屋宇傾壞

雍正志

十二年春儀真雨黑子如豆

同上

泰州旱蝗冬無雪赤光巨天

泰州志

十三年大旱飛蝗食草木竹葉皆盡斗米銀四錢江儀民掘蜀

剛下黃白土食之高郵民亦於土山掘石屑食之名曰觀音粉

雍正志

西方紅氣亘天至冬不變

儀徵縣志

十五年秦州雨雪破人屋廬

雍正志

十七年四月有黑氣自北而南其長竟天

儀徵縣志

國朝順治二年秦州麥秀雨歧

雍正志

七年揚州旱

同上

十年大旱饑

高郵州志

十一年江都有龍亘天鱗甲皆見雲皆成五色光輝照人咸以

爲太平之應

雍正志

十八年江都伐木造船木中有觀音大士像着目如畫

同上

康熙元年御史鄭爲光宅產芝

同上

四年江都雨雹有大如斗者高郵大風湖漲水湧城市有水怪

長丈餘形色白東向去舟觸之輒壞

同上

五年五月朔有霜

泰州志

六年八月儀徵蝗入境不傷禾十一月有四龍見城西年大稔

雍正志

七年夏六月揚州地震

同上

十年淮水漲清水潭隄決田盡沒

高郵州志

十一年有虎入高郵境渡湖居人擒之是年清水潭復決有巫

言曰耿侯賜爾民魚俄而上下河魚忽湧出人爭取之市中魚

一斤直錢一文

雍正志

十八年十月高郵大水民饑水田忽生草曰三稜有老嫗教民取食賴以全活者數萬秋江都有鳥大如鶴毛羽五采集舊城

中移時乃去

同上

十九年江都麥秀兩歧有一莖三五穗者

同上

二十一年興化縣民韓日昇妻孫氏一產三男

同上

二十二年有虎至江都黃珏橋踞民間竹園一日而去

同上

三十五年七月颶風淫雨水暴至高郵南水關決

高郵州志

三十八年六月高寶湖水漲漫邵伯河隄決壞民廬舍

雍正志

四十四年二月十七日高郵湖中見一山樹木屋宇森然可望

上同

四十六年

聖廟南巡揚州居民錢氏家黃楊樹枝生連理

上同

五十四年自春徂秋作雷雨中下田俱淹

高郵州志

五十六年高郵湖中見城郭樓臺人民塵市歷歷如畫

雍正志

五十九年泰州諸生王晉原家產紫芝一本

上同

雍正七年七月江都瓜洲草龍港忽集蝗蝻無數知縣陸朝璣

同營弁往捕蝗皆自投於江不損禾苗歲大稔

上同

十年江都縣四境皆雨豆七月泰州風雨大作壞屋拔木江海

溢

上同

十二年大風壞屋海潮溢

同上

十三年^新水冬雨黑豆

同上

乾隆元年正月高郵湖珠現秋水成災

高郵州志

五年五月大風霾有白龍旋舞雲中驟雨傷禾

同上

七年七月開五壩堵南北水關上下兩河田廬盡沒

同上

淫雨漕漈決漂瀾廬舍

鹽法志

十一年七月大風拔木秋水成災

高郵州志

十二年七月大風潮淹損通淮泰屬鹽場男婦丁口

鹽法志

十八年七月西風暴緊六漫牆界首西隄居民被衝車邏壩石脊封土前後決開六十餘丈嗣是諸壩齊開上下河田盡淹屋

廬漂洶無算

高郵州志

二十年五六月連雨四十餘日水暴漲沒田民食草根樹皮石

屑

同上

二十一年大水大疫

東臺志稿

二十四年正月高郵湖珠現七月又現夏大旱蝗六月一夕大

雨蝗盡滅秋水成災

高郵州志

二十九年三月地震屋宇皆動秋大水

儀徵續志

三十一年十二月風沙發民廬舍城南王虛閣災延及民廬時

有星如瓜光芒四射

同上

三十三年大旱蝗

東臺志稿

三十六年正月高郵湖珠現高郵州志 十二月儀徵北城樓火越

三日沙漫洲火焚鹽艘客舟傷人無算儀徵續志

三十六年正月高郵湖珠現十一月鄉民于志學妻管氏一產

三男高郵州志 十二月大雷雨儀徵縣志

三十年東臺大旱三月至明年二月方雨民饑東臺志稿

五十四年十二月二十七日夜雷雨儀徵續志

五十五年五月大風暴雨起城西壞樓櫓官廨學舍坊表牆垣

屋樹皆易故處同上

五十九年何榮揚宦民田中黍借數百株結成太平壽字東臺志稿

嘉慶元年富安場民陳鳳兆年八十五世同堂同上

四年七月大風海溢范公隄決淹民舍田禾

同上

十年大旱六月海潮溢五塘決漂沒田廬

同上

十二年二月竈民成文泰妻陸氏一產三男

同上

十三年大水秋荷花塘決

同上

十四年五月趙家桀民丁鴻彝年九十五世同堂

同上

廣陵通志 卷之七